

## ILUARSISSUTIT

Siunnersuut 16. august 2017-imik ullulerneqartoq taarserpaat

### **Tunngavilersuut**

Inatsisartut inatsiseqarnermut immikkoortortaata, siunnersuutip inatsisinut tunngasortaanik misissuereerluni, siunnersuutip teknikkimut oqaasertaanullu tunngatillugu allannguutissai asigiinngitsut siunnersuutigai, matumani ilanngullugit § 17-ip marloriarlugu atorneqarsimanageranut aaqqiissutissaq, §§-ini 14-imi 17-imilu innersuussinernut aaqqiissutissaq, kiisalu § 13-imut oqaaseqaatissat kukkusoqarneratigut §§-inut 11-mut 12-imullu ilanngunneqarsimasut inissaannut ilanngunneqarnissaat.

Siunnersuummik misissuineq taama kingusitsigisumik pisimammat, siunnersuummut iluar-siissutinik nassiussaqaarnissaq pisariaqartutut isigineqarpoq.

### **Inatsisissatut siunnersuummut nassuiaatit**

#### **Nalinginnaasumik nassuiaatit**

#### **1. Inatsisissatut siunnersuummut tunuliaqut**

Akilerartarnermut Atugarissaarnermullu Isumalioqatigiissitap isumaliutissiissummini 2011-meersumi, aalisarnerup iluani pisuussutsinik akitsuuteqartitsineranut aaqqiussuussap eqqunneqarnissaa innersuussutigaa. Innersuussinerit Aalisarnermut Isumalioqatigiissitap 2009-mi isumaliutissiissutaat aammalu Benchmark Isumalioqatigiissitap 2003-mi nalunaarusiaa tunngavigineqarput. Aalisakkanik peqassutsip pinngortitamit pisuussutit inuiaqatigiit ataatsimut isigalugit akitsuutsinit iluanaaruteqaarnissaat isumalioqatigiissitap pissusissamisoorsora.

Raajanut akitsuutit pillugit Inatsisartut inatsisaat nr. 20, 25. oktober 1990-imeersoq 1. januar 1991-mi atuutsinneqaleratigut raajat akitsuusersorneqartalerput. Akitsuut tunisassiornermut akitsuutit ilisaritinneqaqqaaraluarpoq, kingornatigulli allanngortinneqarpoq maannalu akit tunngavigalugit akitsuut nikerartarluni. Kingorna 2012-mi avataasiorluni aalisarnermi qalerallit pisarineqartut akitsuusersorneqartalerput (Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaat nr. 11, 3. december 2012-imeersoq). 2014-mi qalerallit akitsuutaat pillugu Inatsisartut inatsisaat ilaneqarpoq avaleraasat akitsuusersulerlugit. Kingorna 2016-mi aammaarluni Inatsisartut inatsisaat ilaneqarpoq matumanilu saarullit, kullerit, saarulliusaat suluppaakkallu akitsuusersorneqalerlutik. Inatsit ullumikkut taaguuteqarpoq: Qalerallit aamma aalisakkat allat ilaasa akitsuutaat pillugit Inatsisartut inatsisaat.

Ullumikkut akitsuuteqartitsinermut aqqissuussinerit assigiinngitsut atorlugit avataasiorluni aalisarnermi qalerallit pisarineqartut sineriallu qanittuani qalerallit pisarineqartut amerlanerpaartaat akitsuuteqarput. Ullumikkut akitsuuteqartitsinermut aqqissuussaq piginnarnissaa periarfissaavoq aalisakkat ilaat sinneri akitsuusersornerisigut. Arlalinnillu akitsuuteqartitsinermut aqqissuussanik atuineq allaffissornikkut aalisarnermik inuussutissarsiornermi pisortanilu allaffissornikkut artukkiisinnaammat. Piffissaq sivisunerusoq isigalugu aalisakkanut tamanut atuuttussamik akitsuuteqartitsinermut aqqissuussamik eqquassinissaq siunertarineqarsimavoq.

Ataatsimoortumik aalisakkanik akitsuuteqartitsinermut aqqissuussamik pilersitsinissaq siunertaralugu, Naalakkersuisut suleqatigiissitaliorput. Suleqatigiissitamiipput makkunanit sinniisut: Namminersorlutik Oqartussat, aalisarnermik inuussutissarsiutillit, soqutigisaqaqatigiit, aningaaseriviit avataaniillu siunnersortit suliap pitsaassusaanik qulakkeerinnittussat. Suleqatigiissitap akitsuuteqartitsinermut aqqissuussamik nutaamik suliaqannginnermini makku ilaatiqut suliaasarai; akitsuuteqartitsinermut aqqissuussat pillugit paasissutissanik katersineq, nunani allani aalisakkanik akitsuuteqartitsinermut aqqissuussat misilittakkallu pillugit paasinaaneq. Kalaallit Nunaanni assigiinngitsunik akitsuuteqartitsinermut aqqissuussanik eqqussinerup pitsaaqutaanik akorngutaanillu nalilersuinissaq matumani siunertaavoq. Tamanna aalisakkanik akitsuuteqartitsinermut aqqissuussamik allaffissornikkut suliariuminartussamik aammalu innuttaasunut inuussutissarsiortunullu akimut ersittumik suliaqarneq sioqqullugu pissaaq.

Marts 2017-imi suleqatigiissitat nalunaarusiamik saqqummersitsipput: *Kalaallit Nunaanni aalisarnikkut akitsuuteqartitsinermut aqqissuussamik nalunaajaat nutaanillu pisuussutsinik akitsuuteqartitsinermut aqqissuussanik siunnersuutit*. Nalunaarusiami aalisarnermi akiliut maanna piusup atorunnaarsinneqarnissaa suleqatigiissitap innersuussutigaa. Taarsiullugu siunnersuutigineqarpoq aalisarnikkut pisortat aningaasartuutaannik matussusiisussamik nutaamik pisuussutinut akitsuuteqartitsinermut aqqissuussamik suliaqartoqarnissaa aalisakkanut naliginnaasumik akitsuutilimmik tamannalu tassaalluni pinngortitap nalinganut pisuussutsinut akitsuut. Suleqatigiissitap nalunaarusiamini allappoq, akitsuuseriaatsip allaffissornikkut ajornaatsuunera akimullu ersinnera pitsaaqutigigaa, taamaattorli tapiissutissamik minnerpaaffiliinissamut paasissutissanik sukumiisunik pisariaqartitsinera akorngutaaqutaalluni. Taamaammat akitsuuseriaaseq maannakkuugallartoq ikerinnasiortunik aalisarnerunngitsunut kisiat ator-neqarnissaa innersuussutigineqarluni.

## **2. Siunnersuummi pingaarnerit**

Kalaallit Nunaanni aalisarnikkut ataatsimoortumik marloqiusamik akitsuuteqartitsinermut aqqissuussamik atuutsitsilernissaq siunnersuutigineqarpoq. Siunertaavoq inuiaqatigiit tamar-mik aalisarnikkut pisuussutai iluanaarutaanerunissaata qulakkeernissaa.

Pisuussutitut akitsuut ima ilusilersorneqassasoq siunnersuutigineqarpoq akitsuut tunisinermi akisuus procentiata ilaatut annertussusilerneqarluni.

Pisuussutitut akitsuummut iluserititami maannamut taamaallaat ilaatinneqassapput avataasi-  
orluni raajanik, saarullinnik, qaleralinnik, saattuanik, saarulliusaanik, suluppaakkanik uilu-  
nik aalisarneq kiisalu sinerissamut qanittumi raajanik, qaleralinnik, saarullinnik, saattuanik ni-  
pisaat suaannik aalisarneq.

Aaqqissuussineq eqqarsaatigalugu pisuussutitut akitsuut ima ilusilersorneqassasoq siunnersuutigineqarpoq aalisakkap pineqartup kiilumut ataatsimut agguaqatigiissillugu akia 12 kr.-inik taakkuluunniit sinnerlugit annertussuseqarpat akitsuummut tunngaviusup 5 procentianik aalajangersimasumik akitsuuteqartinneqassasoq. Aalisakkap tunineqarnerani kiilumut ataatsimut akiusoq agguaqatigiissillugu 17 kr.-it sinnerlugit annertussuseqarpat aalisakkap tunineqarnerani akia kiilumut ataatsimut agguaqatigiissillugu 17 kr.-it sinnerlugit annertussuseqarnerani kr.-inut tamanut aallartittunut atatillugu akitsuut 1 procentpointimik qaffatsinneqartassaaq, taamaalilluni kiilumut ataatsimut agguaqatigiissillugu akiusoq 25 kr.-iuppat tunineqartut 13 procentimik akitsuuteqartinneqartassallutik aammalu kiilumut ataatsimut agguaqatigiissillugu 25 kr.-it 50 ørillu akiusumut atatillugu tunineqartut 14 procentimik akitsuuteqartinneqassallutik.

Akitsuut 17 procentinut annertunerpaaffilerneqassasoq siunnersuutigineqarpoq, kiilumut ataatsimut tunisinermi agguaqatigiissillugu akiusup 29 kr.-iuneranut naapertuuttoq.

Sinerissamut qanittumi aalisarnermi aalisakkanut arlalinnut, tassungalu ilanngullugu sinerissamut qanittumi raajanik, qaleralinnik, saarullinnik, saattuanik nipisaallu suaannik aalisarnermut atatillugu akitsuummut tunngaviusup 5 procentianik akitsuut aalajangersarneqassasoq siunnersuutigineqarpoq. Tamatumunnga tunngavigineqartoq ilaatigut tassaavoq sinerissamut qanittumi aalisarnerup annerpaartaa eqqarsaatigalugu tulaassisussaataitaanermut ilaatinneqar-  
mat, taamaalillunilu pisarineqartut kingornagut suliareqqinneqarneranni nalingata annertusi-  
neqarnissaanut periarfissaqanngimmat.

Pisat Kalaallit Nunaanni suliarineqartut imaluunniit allamut suliassanngortinneqartut agguaqatigiissillugu kiilumut ataatsimut 12 kr.-it ataallugit akeqartut imaluunniit tunitsivimmu-  
t tunisassiorfimmulluunniit tunineqartut kiilumut agguaqatigiissillugu 8 kr.-it ataallugit akilim-  
mik tunineqartut eqqarsaatigalugit taakku pisuussutitut akitsuuteqartinneqassanngillat, tama-  
tumunngalu taarsiullugu pisanut tunitsivimmu-  
t tunisassiorfimmulluunniit tunineqartut kiilu-  
mut 5 ørimik aammalu pisanut Kalaallit Nunaanni anninneqartunut kiilumut 20 ørimik tun-  
ngaviusumik akitsuuteqartinneqassallutik.

Kiilumut ataatsimut 12 kr.-inik aammalu kiilumut ataatsimut 8 kr.-inik akit agguaqatigiissillu-  
gu minnerpaaffissaannut atatillugu akitsuutinit tatineqarnissaq killilersimaarniarlugu aalisak-

kat ullumikkut agguaqatigiissillugu akii malinneqarput, pingaartumik sinerissamut qanittumi saarullinniarneq eqqarsaatigalugu aammalu tunisinermi agguaqatigiissillugu akiusut tunisinermi akit annertussutsillu Akileraarternermut aqutsisoqarfimmut nalunaarutigineqartut kiisalu taakku pillugit Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA) paasissutissat tunngavigalugit naatsorsorneqarlutik.

Nunatsinni aalisakkanik ikerinnarsiortunik aalisarneq pisuussutininut akitsuummumut aallaqqaammumut ilaatinneqassanngitsoq aammalu aalisakkanik ikerinnarsiortunik aalisarnermi kiilumut maanna akitsuut aalajangiusimaneqassasoq siunnersuutigineqarpoq. Aalisarnerup misissoq-qissaarneqarnissaanut paasissutissat naammattut pigineqalernissaata tungaanut aammalu marloqiusamik periutsimut ilaatinneqarnissaa eqqarsaatigalugu akitsuutit aalisarnermik inuussutissarsiuteqartut suleqatigalugit ukiut tamaasa nutarterneqartarnissaat siunnersuutigineqarpoq.

Allanguutinit iluanaarutaasussat akitsuutinit iluanaarutissatut missingersuutininut sanilliullugu 2018-imi 50 mio. kr.-it missaannik annertussuseqartussatut missingerneqarput.

### **3. Pisortani aningaasaqarnikkut allaffissornikkullu sunniutissai**

2018-mut aningaasanut inatsimmi aalisarnerup iluani akitsuutinit 300 mio. kr.-it isertinneqarnissaat missingersuutigineqarpoq, aalisarnerullu iluani atuisut akiliutaannit 12 mio. kr. isertitarineqassanganneqarlutik, katillugit 312 mio. kr. Aalisakkanut akitsuutit inuit piginneqatigiiffiillu akileraarutaannut apparsaataammata, 2018-mi akileraarutinit isertitat 204 mio. koruunit missaannut missingersuutini naatsorsorneqarsinnaavoq.

Akitsuuteqartitsinermit aaqqissuussamik nutaamik eqquassinikkut aalisakkat assigiinngitsut tamarmik akitsuuserneqalissapput. Akitsuuseriaatsip nutaap eqqunneqarneratigut nunatta karsia 2018-mi akileraarutit ilanngaatinagat 50 mio. koruuninik isertitaqarnerunissaa naatsorsuutigineqarpoq. Tassunga peqqutaavoq avataasiorluni raajarniarnermit qaleralinniarnermiillu pisuussutsinut akitsuutip qaffanneqassammat aammalu aalisakkat artit tamaasa akitsuusersorneqalissammata, soorluttaaq sinerissamut qanittumi aalisariutit ilaannut ullumikkullu akitsuusersorneqanngitsut akitsuutininut ilaaterlugit annertusarneqassasut.

Akitsuutit aalisariutileqatigiit isertitaannit akileraarutaasussaasunit ilanngaatigineqassammata ingerlatseqatigiiffinit iluanaarutinillu akileraarutinit iluanaarutaasussat akitsuutinit annikillinneqassapput. Tamatuma peqatigisaanik aalisariutini akissarsiat pisat malillugit naatsorsuifiusartut (assersuutigalugu uuliamut, poortuutissanut, aalisarnermi akitsuutininut il.il. aningaasartuutit aalajangersimasut pinnagit angallatip kaaviiartitai) eqqarsaatigalugit naatsorsuutigineqarpoq aalisarnermi akitsuutit akissarsianut annikillissutaassasut, tassa akitsuutit pisat malillugit iluanaarutinit ilanngaatigineqartassammata. Tamatuma kingunerisaanik akileraarutit A-t aamma annikillinissaat naatsorsuutigineqarpoq. Taamaalillunilu tamakkiisumik aningaasartuuteqarnerunermillu iluanaarutit nunatta karsianut ilanngaaseereerluni 33 mio. kr.-it missaannik isertitsissutaassasut naatsorsuutigineqarpoq.

Akitsuuteqartitsinermut aaqqissuussap nutaap imarsiornerup imminut akilersinnaaneranut qaffassaataanissaa naatsorsuutaavoq, imarsiornerup aalisarnerullu pitsanngorsaavigineratigut. Siunissaq ungasinnerusoq eqqarsaatigalugu akitsuutinit taamatullu akileraarutinit isertitanik anertusaassangatinneqarpoq. Taamaattorli aalisarnek pillugu inatsisip allannguuteqarsinnaanerani aammalu aalisarnermik aqutsinermi periutsimit atorineqartumit iluanaarutissat taakku marluusut sunnerneqarsinnaassapput.

Annertunngitsunik allaffissornermut aningaasartuuteqarnerunissaq naatsorsuutigineqassaaq, akiligassiinerit nakkutilliinerillu aalisakkanut aalisariaatsinullu assigiinngitsunut arlalinnut ingerlanneqassammata. Aningaasartuutit 500.000 koruunit missaaniissangatinneqarput siunnersortitut sulisumik ataatsimik atorfinitsitsinermut.

#### **4. Inuussutissarsiornermi aningaasaqarikkut allaffissornikkullu sunniutissai**

Pisuussutsinik akitsuuseriaatsip nutaap eqqunneqarneratigut aalisarnermik inuussutissarsiortut 50 mio. kr. miss. akileraaruteqarnerulernissaat naatsorsuutigineqarpoq. Aalisarnermik inuussutissarsiutillit innuttat akissarsiaaniit piginneqatigiiffiillu akileraarutaat apparneratigut akileraarnerulerneq matussuserneqassaaq. Taamaammat inuussutissarsiutit akileraarutit ilanngaatigereerlugit 33 mio. koruuninik akileraaruteqarnerulernissaa naatsorsuutaavoq.

Akitsuuteqartitsinermut aaqqissuussap nutaap imarsiornerup imminut akilersinnaaneranut qaffassaataanissaa naatsorsuutigineqarpoq, taamaasillunilu angallatini ataasiakkaani sinneqartootut qaffassaataanissangatinneqarluni. Siusinnerusukkulli oqaatigineqartut aalisarnek pillugu inatsisip allannguutissai aammalu aalisarnermik aqutsinermi periuseq atorineqartoq apequtaassapput.

#### **5. Avatangiisinut, pinngortitamut inuiaqatigiillu peqqissusaannut kingunissat**

Avatangiisinut pinngortitamullu malunnaatilinnik siunnersuut kinguneqassangatinneqanngilaq.

Aammattaaq inuiaqatigiit peqqissusaannut siunnersuut sunniuteqassangatinneqanngilaq.

#### **6. Innuttaasunut sunniutissat**

Pisuussutsinut akitsuutinit 50 mio. kr. miss. iluanaarutissatut naatsorsuutigineqartut, imarsiornermi akissarsianik 14 mio. koruunit missaannik appaanissaa naatsorsuutigineqarpoq. Taamaattumillu aalisartut ataasiakkaat akissarsiaat pisuussutinut akitsuuseeriaatsimit nutaamit sunnerneqassasut naatsorsuutigineqarpoq. Tamatumanili taamaallaat eqqorneqassallutik inuttat pisat malillugit akissarsiaqartinneqartut aammalu aalajangersimasumik akissarsiaqartinneqartunut sunniuteqarnissaat naatsorsuutigineqarnani.

Innuttaasunut allaffissornikkut siunnersuut sunniuteqassangatinneqanngilaq.

## **7. Sunniutissat allat malunnaatillit**

Siunnersuut allanik sunniuteqassangatinneqanngilaq.

## **8. Oqartussat suliniaqatigiiffiit il. il. tusarniaavigineqarneri**

Siunnersuut 8. juni 2017-mit 13. juli 2017-p tungaanut ukungunnga tusarniaassutigineqarpoq: Sulisitsisut, NUSUKA, SIK, KNAPK, Naalakkersuisut Siulittaasuata Naalakkersuisoqarfia, Inuussutissarsiornermut, Suliffeqarnermut Niuernermullu Naalakkersuisoqarfik, Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfik, Aalisarnermut Piniarnermullu Naalakkersuisoqarfik, KANUKOKA, Kommuneqarfik Sermersooq, Qeqqta Kommunia, Kommune Kujalleq, Qaasuitsup Kommunia, Deloitte, Grønlands Revisionskontor, BK Revision, EY Grønland, Grønlandsbanken, BankNordik aamma BDO.

Taamattaq siunnersuut [www.naalakkersuisut.gl-ikkut](http://www.naalakkersuisut.gl-ikkut), pisortat tusarniaaviatigut tamanut saqummiunneqarnikuvoq.

Tusarniaanermi piffissaliussap iluani akissuteqartut ukuupput; GrønlandsBANKEN, Aalisarnermut Piniarnermullu Naalakkersuisoqarfik, Halibut Greenland ApS, Kommune Kujalleq, S.I.K., Polar Seafood Greenland A/S, KNAPK, Qaasuitsup Kommuea aamma Sulisitsisut.

Maluginiarneqarpoq siunnersuut siuliani saqummiunneqartoq 8.juni 2017-mi tusarniaassutigineqartumit tusarniaareernerup kingorna siunnersuummi allannguuteqartoqarsimammat.

Oqaaseqaatit tiguneqartut pingaarnersiorneri ataani naliginnaasumik allassimapput, Naalakkersuisullu oqaaseqaataat *uingasumik* allanneqarlutik.

### GrønlandsBANKEN

GrønlandsBANKEN-ip aallaqqaasiullugu tusarniaanermut akissummi, Bankip tusarniaanermut akissutaa naliginnaasumik killigititani akissuteqarnera maluginiarpaa, tassunga pissutavoq Bankip siunnersuutip nassiunniarnerani ajornartorsiorsimammat, taamaammallu siunnersuut kingusissukkut tigonera pissutaalluni sukumiinerusumik siunnersuut akissuteqarfiginisaanut piffissaq killeqarsimammat.

GrønlandsBANKEN-ip aamma maluginiarpaa Banki suleqatigiissitami akitsuuteqarnissamut aaqqissuussami peqataasimasut Kalaallillu Nunaanni aalisarnermut tunngasumi peqataasimasut Bankillu inatsimmi malinnaasoq, aamma akitsuuteqartitsinerumut oqallinnermi qanimut malinnaasoq. GrønlandsBANKEN aningaasatigut isertitsiviummat aammattaq Kalaallit Nu-

nanni aalisarneq suliffinni annersaammat, taamaalilluni inuiaqatigiinni aningaasanik isertitsivittut pingaarnersaalluni.

GrønlandsBANKEN siunnersuummi maluginiarpaat aaqqissuussinermut periutsit assigiingitsut paasiuminaassinnaammata taamaattumillu aningaasatigut malitsissai nalilersorumi-naassinnaallutik. Tassunga atatilluguttaaq Bankip maluginiarpaa akitsuusersuinerit, avataasi-ortuniillu tunisassiaasa akiinik inissititerinerit, kisitsisit tunisitsinermi akii agguaqatigiisillugit aallaaviginagit, kisitsisit ukiunik pingasunik pisoqaassusillit aallaavigalugit inissinneqarsimammata. Bankip pissutsit taakku marluk iluarinnigilaat.

*Aaqqissuussinermut periutsinut kiisalu akitsersuutininut naatsorsueriaatsinut oqaaseqaatit isertitat aallaavigalugit marloqiusamik akitsuusersueriaatsikkut aaqqissuusseqqinnikkut nalim-massarfigineqarniarsimapput.*

GrønlandsBANKEN-ip maluginiarpaa akitsuusersueriaatsimi periuseq allatorneqarsimasoq nutseruminaassinnaasoq, tassungalu atatillugu allaffissornikkut allannguutit amerlavallaarlutik. Bankip maluginiarpaa aalisarnerup aningaasaqarnikkullu isertitsiviit allat allallu soqutiginnittut tatiginninnerat angujumallugu maleruagassap paatsuunganartoqannginnissaa pisariaqartoq.

*Siuliani nassuiaassutigineqartoq akitsersuutininut naatsorsueriaatsinut isertitat aallaavigalugit marloqiusamik akitsuusersueriaatsikkut aaqqissuusseqqinnikkut nalorninarsinaasut nalim-massarfigineqarniarsimapput.*

Naggasiullugu GrønlandsBANKEN-ip maluginiarpaa aporfik annerpaaq tassaammat aalisakkanut akitsuusersuinerimut inatsisissatut siunnersuutip saniatigut aalisarnermut inatsissaq nutaaq suliarineqarpoq sulilu naluneqarluni. Taamaalilluni aalisarnerup iluani inatsisissat anner-tuut nutaat tusarniaaffigineqartussaallutik. Banki isumaqarpoq aalisarnerup iluani unammiller-narsinnaasut qulaajarsinnaajumallugit pitsaanerusimassasoq siunnersuutit tamaasa ilisimaneqarsimappata. Taamaattumik Bankip pisariaqarsorivaa aalisarnermut inatsisissamik nutaamik peqalernissaa, taamaangippat aalisarnermut inatsisissap nutaap suliarineqarnera akitsuuser-suinerimut inatsip suliarieqarnerani ukiut arlallit unitsinneqarallassasoq, tassunga atatillugu maluginiarneqarportaaq aalisarnerup iluani annertuunik nanertuutunik allanik takkuttoqassaga-luarpat aalisarneup ineriartorneranut akornutaasinnaasut.

*GrønlandsBankip aalisarnermut inatsisissamut siunnersuutissanut, allannguutillu malitsis-saannut, uungalu siunnersuummut atassuteqarneranut nalorninera paasilluarneqarpoq. Taa-maakkaluartoq aalisarnermut inatsisissap saqqummernissaata tungaanut akitsuusinut inatsi-sissamut suliat unitsikkallarneqarsinnaanngillat. Aalisarnerup iluani ineriartorneq inatsisillu*

*malitsigisai Naalackersuisut qanimut malinnaavigissavaat, aalisarnermullu inatsisissap nutaap akiitsuusersuinerumut inatsimmut naapertuutinngippat, akitsuusersuinerup ilusilersorne-ranut allannguuteqarnissaq eqqarsaatersuutigineqassooq.*

#### Aalisarnermut Piniarnermullu Naalackersuisoqarfik (APN)

APN-ip akissuteqarnermini maluginiarpa aalisarnermut inatsimmut allannguutissanik siunnersuuserlutik akuerineqassagunillu siunissami aalisarnerup aqqissuussaananut sunniuteqangaartussaassasunik. APN ilisimatitsivortaaq aalisarnermi piginninnerit siammarnrunissaat Naalackersuisut anguniagaannut ilaammat, siunissami aalisarnermi susassaqtut amerlinissaannik kinguneqarumaartussaalluni.

APN maluginiarpaat inatsimmi pineqartumi allannguutissat aalisarnermi aningaasatigut, akitsuusernermi isertitaasinnaasunullu sunniuteqarumaarmata.

*Aalisarnermut inatsisissap allannguutissaanik ilisimasaqarneq killegartooq kiisalu inatsisissatut siunnersuuserneq kingusippallaartoq pissutigalugit inatsimmut pineqartumut ilanngunnissaat killegarsimavoq. Aalisarnermut inatsimmut allannguut aalisarnermi piginninnermik siammarterinermik, aalisakkanillu pisassiissutinik imalik, aalisarnerup aningaasaqarneranut annikillisisinnaavoq iluanaarutillu millisarsinnaallugit. Akitsuusersuinerullu nutaap isertitassaraluinut matussusiinnaananeramik kinguneqarsinnaavoq. Tamakku malitsigisinnaasat siunnersuut qulaajarneqarqqaartussaassapput.*

APN-ip siunnersuummut inatsisitigut periusissat teknikikkut isummerfigisimangilai.

#### Halibut Greenland ApS (AG)

HG-p akissuteqaamminni maluginiarpaat akitsuutit qaffasissusaata aalisartut iluanaaruteqarsinnaassusaannut ajoqutaassanngimmat, nutaamillu akitsuusersuereermermi aalisarnerup, aalisarnermullu aningaasaliineq suli imminut akilertussaassammat.

Aammattaaq pisuussutinut akitsuutip inatsisissatut siunnersuummi marloqiusamiuk ilusilerneqarnerat paasiuminaatsoq, taamaattumillu siunnersuutip katitigaanera eqqarsaatigalugu siunnersuutip tusarniutigineqarnerani periutsinut naatsorsukkanik arlalinnik aammalu aalisarnermut ataasiakkaanut assersuutinik ilanngussisoqartariaqarsimagaluartoq HG-mit oqaatigineqarpoq. Siunnersuutip aqukkuminartuunissaa aammalu oqaasiliorerit tamanit paasiuminaartuunissaat HG-p naliliinera malillugu pingaartinneqartariaqarpoq.

HG-p maluginiaqquaa aamma akitsuusersuinerup kingunissai attuumasunut nassuiaassutigil-luarnissaat salliutinneqassasoq.



*Siunnersuutip siunertaa tassaavoq akitsuusersuinerup kinguneranik inuiaqatigiit pissarsiasaat annertusinnissaa aalisarnermi pisuussutinit akitsuutinit aqutigalugit. Siunnersuut aalisarnermi iluanaaruteqannginnissaq kiisalu aalisarnerup ineriartunnginnissaanik siunertaqanngilaq. Naalakkersuisut aalisarnerup ineriartornera ataavartumik malinnaavigissavaat.*

*Marloqiusamik akitsuusersuinerup paasiuminarnerusumik aalisarnermi pisuussutinit iluanaarutit aallaavigalugit akitsuusersuinerup taarserneratigut aaqqissuussap paasiuminaatsuuneranut oqaaseqaammut nalimmassarniarneqarsimavoq.*

Tusarniaanerup nalaani sulisut angalammata Aningaasaqarnermut Naalakkersuisoqarfik pissarsiariuminaassimanagera HG-p naggasiilluni apeqqusernartoqartippaa, taamaalillunimi tusarniaaneq pillugu apeqqutinut tunngatillugu Naalakkersuisoqarfik oqaloqatigineqarsinnaasimannngimmat.

*HG-p tusarniaanermi Naalakkersuisoqarfimmi oqaloqatiginnissinnaasimannnginera ajuusaarnarpoq. Aningaasaqarnermulli Naalakkersuisoqarfik tusarniaanermi tamani apeqquteqartusanut ammajuarsimavoq.*

## KANUKOKA

Aallaqqaasiullugu KANUKOKA-p siunnersuut arlalitsigut unammillernartoqartillugu maluginiaquaa.

Siullermik nuna tamakkerlugu kattuffik isumaqarpoq siunnersuutimmi akitsersusersuineq periusissaq malinneqartoq tunngaviusumik inuiaqatigiinni aningaasaqarneq aallaavigalugu ineriartortitaasup, kommuneni aalisarnermi sulisoqarniarnerminnut kiisalu inerisaaniarnerminnut ajoqutaasinnaasoq. KANUKOKA isumaqarpoq akitsuutinit inatsisissaq kommunit soqutigisaannut killilersuisuussanngitsoq. KANUKOKA-p aalisarnermut inatsit ataqatigiinnerusoq ujartorpaa, inatsit inuiaqatigiit aningaasaataannik kisiat isigisuunngitsoq kisiannili aamma suliffeqarfiit, sulisoqarneq, imminullu akilersinnaassusermik imaqaasasoq.

*Aningaasat iluanaarutit annertussutsimikkut tulluarnerusut aalisarnermi pisuussutinit iluanaarutit aqutigalugit inuiaqatigiitnut tuttalernissaat inatsisissap siunertaraa. Tamanna periuseq inuiaqatigiit aningaasaateqarnerat aallaavigalugu inatsisip tunngaveqarneratigut angunearluarsinnaaneruvoq. Akitsuusersuinissamut periusissaq kommunenut immikkut tulluassappat akitsuusersuinerup periuseq paasiuminaaalisarnerussavaa. Pissutsit KANUKOKA-mit uparuarneqartut aammattaaq akileraarnerni akitsuusersuinerup allani tamangajanni atuupput.*

Akitsuusersuinermit inatsisissaliornermi suleqatigiissitaliami Kommunet aallartitaqarsimannginnerat KANUKOKA-p uggoraa. Inatsisitaassap kommuneni aalisarnermik sulinermit kingunerluuteqarsinnaanera KANUKOKA-p aarleqqutigaa - Aammattaaq Namminersornerullutik Oqartussat aalisarnermut politikkiat ilumut ataqatigiilluartuunersoq apeqquserlugu.

*KANUKOKA-p akitsuusersuinermit inatsisissaliornermi suleqatigiissitaliami Kommunet aallartitaqarsimannginnerannik uggorinninnerat paasilluarneqarpoq. Naalakkersuisut KANUKOKA mattunnissaa siunertarisimanngilaat, suleqatigiissitaliani kommunenut attuumassuteqartuni sunniuteqartunilu tamani kommunet aallartitaqartalernissaat Naalakkersuisut siunissami qulakkeerumaarpaat.*

*Akitsuutinut inatsisissaq aalisarnermi suliffeqarnermut ajoqutaasussatut naatsorsuutigineqanngilaq.*

Aningaasatigut kommunet 16 mio.kr.-nik eqqugaanissaat naatsorsorneqarnera KANUKOKA-p aarlerinartoqartippaa. Akitsuutinut periusissatut malinneqartussaq paasiuminaappallaartut KANUKOKA-p isigaa, aammalu Akileraartarnermiit kisitsisinik tunngavilersornera kommuniniillu kisitsisit taakku ilisimaneqarnatik. Aningaasat iluanaarutissat annerusinnaapput minnerusinnaallutillu tamannalu kommunet aningaasaqarnikkut pilersaarusiornerinut iluaqutaasanngitsoq KANUKOKA isumaqarpoq.

*Marloqiusamik akitsuusersuinerup paasiuminarnerusumik aalisarnermi pisuussutinit iluanaarutit aallaavigalugit akitsuusersuinermik taarserneratigut aaqqissuussap paasiuminaatsuuneranut oqaaseqaammut nalimmassarniarneqarsimavoq.*

*Periutsimut aningaasat atortussatut naatsorsoqqissaarneqarneri aalisarnermit kisitsisit Akileraartarfimmut tunniunneqartuneersuupput, pinngorartitsinermit aningaasaqanermut nalunaartussaataitanermut all. Namminersornerullutik Oqartussat nalunaarusiaat nr.11. junip 29-at 2015-meersoq tunngavigalugu. Taamaattumik aningaasatigut malitsissatut naatsorsorneqartut aningaasalersorneri allannungaarnaviangitsutut nalilerneqarput, tassa akit pislalu ullumimut naleqqiullutik annertussutsimikkut annerusumik nikinngippata.*

Aningaasatigut malitsissat kommunenut ataasiakkaanut immikkut naatsorsorneqarsimasariaqarneri KANUKOKA-p maluginiarpa.

*Aningaasatigut malitsissat kommunenut ataasiakkaanut immikkut naatsorsorneqarsimasariaqarneri KANUKOKA-p siunnersuutaa paasilluarneqarpoq. Tamannali naatsorsuinikkut suli-atigut annertoorujuuvoq ullumikkullu Kalaallit Nunaat tamakkerlugu aalisarnerup sunniutai tamakkiisut aallavigalugit naatsorsorneqarput.*

KANUKOKA-p maluginiarpaa akitsuusersuinerup periuseq malittarisassa atuiusunut paasi-  
uminaamat, soorluttaa akitsuut ajunngitsumik naatsorsorneqarsimaneramik ersiuteqanngit-  
soq, akitsuutillu annertussusissaata inissikkuminaannera, aalisarnermillu suliaqarnissamik ka-  
jungernarunnaarsitsisinnaalluni. Suliaq suleqatigiissitamut kommunenik peqataaffigineqartu-  
mut ingerlateqqinnissaa KANUKOKA-p siunnersuutigaa.

*Marloqiusamik akitsuusersuinerup paasiuminarnerusumik aalisarnermi pisuussutinit ilua-  
naarutit aallaavigalugit akitsuusersuinerup taarserneratigut aaqqissuussap paasiuminaat-  
suuneranut oqaaseqaammut nalimmassarniarneqarsimavoq.*

KANUKOKA siunnersuutip imarisaanut teknikkikkut oqaasertalersugassaqarpoq:

Siunnersuummi § 1-mi KANUKOKA-p maluginiarpaa imm. 1-mi oqaaseqatigiit allanngortin-  
neqartariaqartut, nunani allani aalisakkat pisat Nunatsinnullu tunisassiaanngitsut allaat akit-  
suuteqartut aalajangersakkami saqqummiunneqarmat. Maluginiarneqarportaaq imm. 2 tuni-  
sassiornikkut akileraarut aalisakkanut akileraarummit allaanerunersoq apeqqusernarpoq, aala-  
jangersakkap oqaaseqaatitaani siunnersuummi § 2, imm.2-mi imartami qaninnermi aalisar-  
nermut tunngassuteqarnera atuarneqaqqaartariaqarluni. Kiisalu maluginiarneqarpoq imm. 3  
imm. 1-mut naapertuutinngitsoq, tassanimit Kalaallit Nunaata imartaani tamani aalisakkanut  
akitsuusersuinerup taarserneratigut aaqqissuussap paasiuminaat-  
suuneranut oqaaseqaammut nalimmassarniarneqarsimavoq.

*Aalisarnermi pisuussutinit akitsuuummi maleruagassiartaani marloqiusamik akitsuusersuineq  
isertitat tunngavigalugit pisuussutinit akitsuutinik maleruagassiaq siunnersuummi § 1-ita  
allanngortinneqarpoq. Imm. 3-li atatinneqarpoq maannalu imm. 2-nngorsimalluni. Aalaja-  
ngersagat immikkut ittumik aalajangersagaavoq, Kalaallit Nunaata imartaani akitsuutitaqar-  
titsinngitsoq. Kalaallit Nunaata imartaani akitsuusersuinerup taarserneratigut aaqqissuussap  
paasiuminaat-  
suuneranut oqaaseqaammut nalimmassarniarneqarsimavoq.*

§ 3-mut KANUKOKA-p maluginiarpaa akitsuusersuinerup annertussusaa siumoortumik paa-  
sineqarsinnaanngitsoq, aalisarnermilu sulinerup tamanna ajornartorsiutaasinnaasoq. KANU-  
KOKA-p maluginiarpaa aamma pisortanit aningaasartuutitut naatsorsukkat inaarutaasut imm.  
3-mi kommuneni allaffissornikkut aningaasartuutissat ilanngunneqarsimanngimmata. KANU-  
KOKA isumaqarpoq taakku naatsorsuinerup ilanngunneqartariaqartut. KANUKOKA isuma-  
qarportaaq imm. 4 paasinarninngorluni oqaasertalersugassaqarpoq.

*Marloqiusamik akitsuusersuinerup paasiuminarnerusumik aalisarnermi pisuussutinit ilua-  
naarutit aallaavigalugit akitsuusersuinerup taarserneratigut aaqqissuussap paasiuminaat-  
suuneranut oqaaseqaammut nalimmassarniarneqarsimavoq.*

KANUKOKA-p maluginiarpaa § 4-mi § 3 assigalugu assortuuttunik imaqartoq. Saniatigut naatsorsuinermi maleruagassiaq siunnersuummi oqaaseaatertaanilu nassuiarnerlutaasoq. KANUKOKA-p maluginiarpaa § 4 aamma § 5 ataqatigiissappata.

*Marloqiusamik akitsuusersuinerup paasiuminarnersumik aalisarnermi pisuussutinit iluanaarutit aallaavigalugit akitsuusersuinermit taarserneratigut aaqqissuussap paasiuminaatsuuneranut oqaaseqaammut nalimmassarniarneqarsimavoq.*

Siunnersuutip oqaasertalernerini kiisalu § 4 imm. 5-imi oqaasertalernerini aningaasaliinerup 10 procentitaanik akitsuutinit ilanngaaviginertaqassasut. KANUKOKA-p maluginiarpaa maleruagassaq taamak ersaritsigissappat aamma inatsimmi toqqaanaq oqaasinngortinneqaqqasariaqartoq.

*Pisuussutinit akitsuusersuinerit aallaavigalugit akitsuusersuinermit taarserneratigut periutsimi tunngaviusumik akitsuusersuinermit tunngasumik oqaaseqaammi pineqartoq atuukkunnaarpoq.*

KANUKOKA paasiuminaatsinneqarpoq § 7. imm. 1-ip suna siunertarineraa, tassungalu ilanngullugu kommuniip paasinninnera malillugu aalajangersagaq ima paasineqassanersoq akitsuut kvartalikkaartumik naatsorsorneqartassanersoq.

*Piffissaq akitsuuteqarfusoq kvartalikkaartumik pisassasoq siunnersuummi siunniunneqarpoq, taamaalillunilu akitsuut kvartalikkaartumik naatsorsorneqartassaaq aammalu Akileraartarnermit Aqutsisoqarfimmut akilerneqartassalluni.*

Naggasiullugu inatsisiliornermi teknik iluarinangitsoq atorneqartoq KANUKOKA-p maluginiarpaa. Tassami aalajangersagaq inatsimmi allami atuutsinneqalernikoq inatsimmi allami atuukkunnaarsinneqarsinnaanngilaq. KANUKOKA isumaqarpoq tamanna inatsiliornermi atuutsikkunnaarsitsinermit nalunaarusiortoqartariaqartoq.

Inatsimmi allaqqasut oqaaseqaammilu allaqsut ataqatigiinngitsut KANUKOKA isumaqarpoq § 13-mi oqaaseqaammimi imm. 1 aallannerani imm. 2 pineqartoq.

*Aalajangersagaq aaqqinneqarpoq. Oqaaseqaatit § 13-miittut imarisaanut naleqquttunngorput.*

Kommune Kujalleq

Kommune Kujalliup oqaaseqaammini maluginiarpa KANUKOKA-p tusarniaanermut oqaaseqaataa ilalerlugu, immikkullu ilassutigalugu eqqaarusuppaa aalisarnermut pissutsinik tamakkiisumik ataqatigiissumillu qulaajasoqarsimannginnera eqqarsarnartoqartillugu.

Kommune Kujalliup Aalisarnermut Naalakkersuisut 11. Juli 2017-mi akisuteqaataat inner-suussutigaa, Aalisarnermut Naalakkersuisut kommunep “imaani aalisarnermut pisassiissutit Kommune Kujallermi suliffeqarfinnut amigarnerinut” saaffiginnissutaa itigartinneqarmat, kii-salu “Pisassiissutit Nanortalimmi Qaqortumilu suliffeqarnerinik aningaasaqarnerinillu qulak-keerinnittussat” itigartinneqarmat. Naalakkersuisut akissutaat malillugu Naalakkersuisut Kujataani suliffeqarfeqarniarneq sulisitsinerlu tapersersunngikkaat Kommunep isumaqarfigaa, tassungalu atatillugu maluginiarpaat akitsuusersueriaaseq aalisarnerup iluani qaavatigut innarliissasoq kommunellu aningaasaqarniarneranut sunniuteqassasoq, tamannalu inuiaqatigiinnut inoqarfinni Nunamulluunniit tamanut iluaqutaanaviangitsoq.

*Alisarnerup iluani ineriartorneq ajortisassallugu siunnersuutip siunertarinngilaa. Siunnersuutip siunertaraa pisuussutinit akitsuutit aqutitigalugit aalisarnermi iluanaarutit naleqqut-tumik inuiaqatigiinnut tunnerulernissaat. Naalakkersuisut aalisarnerup iluani ineriartorneq ataavartumik malinnaavigissuaat, pitsaasumik ineriartortuarnissaq anguniartuarumallugu.*

*Pisassiissutinik il.il. eqqartuineq siunnersuummut uunga attuumassuteqanngilaq.*

### S.I.K.

S.I.K. ´p oqaaseqaammini maluginiaqquaa, siunnersuut siunertaatigut tapersersorlugu, pisuussutinit akitsuusiinissaq aalisarnerup iluani ilanngullugu, taamaalisoqarneratigut inuiaqatigiit, pisuussutitsinnit akitsuutitsigut, pissarsiaqaqasarniassammata. Taamaakkaluortoq S.I.K. ´p eqqarsarnartoqartippaa, siunnersuutip nassatarisaanik inuttat aningaasarsiamikkut eqqugaassasut, akissarsiaat apparlutik.

Siunnersuummut oqaaseqaatini ersippoq aningaasaqarnertaa allaffissornertaalu inuussutissarsiutillunnt kinguneqartitsiumaartoq ”pisuussutinik akitsuusiisalernissami ilimasuutigineqarpoq aalisarnermik inuussutissarsiutillit 60 mio. kr. miss. aningaasartuuteqartalerumaartut. Aningaasartuutit inuussutissarsiutigalugu aalisartut akissarsiaassaanniik aaneqassasut kiisalu suliffeqarfinnut akitsuutininnaanniit. S.I.K. ´p tusarniaatitsinermi akissutiminni apeqquteqarfigisimavaat, oqaaseqaat taanna qanorpiaq isumaqarnersoq.

*Aalisariutatillit ilaasa ullumikkut pisuussutinut akitsuutit inuttat akissarsiaanniik nusuttar-paat, imaammak akissarsiaasatut immikkoortitaniik aaneqartarmata. Akitsuutinik annertunerusunik akiliisoqartalissappat ilimasuutigineqarpoq inuttat akissarsiaat appassasut.*

Qulaani taaneqartumut atasumi, allassimavoq innuttaasunut kingunerisassaanut ilaasoq ”akit-suutitigut isertitariligassat 60 mio.kr. ´sut pissarsiarinerini inuttanut akissarsiasat 17 mio. kr. miss. annikillissasut. Taamaattumik ilimasuutigineqarpoq arlaatigut, aalisartut aningaasarsiasamikkut akissaatimikkullu sunnerneqarumaartut”. S.I.K. ´p apequtigerusuppaa oqaaseqaat taanna qanorpiaq isumaqarnerisq kiisalu Aningaasaqarnikkut Qullersaqarfiup kisitsisit taak-korpiaat qanoq nassaarisimaneraat.

*Akitigut pisatigullu pissutsit allanngunngippata, akissarsiat annikillinissaat ilimasuutigineqarpoq. Tamanna isumaqarpoq inuttat akissarsiamikkut appaaffigineqassasut akissaatitigullu nakkaallallutik.*

S.I.K.-p naggataatigut Naalackersuisoqarfik piumaffigaa nassuiaasseqqullugu siunnersuutip nassarisassaanik allanik, aalisarnerup iluani kiisalu aalisakkanik suliffissuarnik il.il., arlaatigut eqqugaasoqassanersoq

*Naalackersuisut ataavartumik aalisarnikkut inuussutissarsiornikkut ineriartorneq malinnaaffigissavaa, inuussutissarsiornep iluani positivimik ineriartortitsisoqarnissaa angutserlugu.*

#### Polar Seafood Greenland A/S (PS)

PS-ipp akissummini aallarniutigalugu oqaatigaat suleqatigiisitarsuarmi peqataasimallutik, taamaakkaluartorli Aningaasaqarnikkut Qullersaqarfiup siunnersuummi saqqummiussaataq ilisarisinnaanagit. PS-ipp aamma tassunga atatillugu maluginiarpaq siunnersuummut oqaaseqaatit ilaatinneqartariaqartut, kiisalu ersittariaqarluni siunnersuut pilersimasooq ataatsimiititaliarsuup Aningaasaqarnikkut Qullersaqarfimmit immersorneqarsimaneratigut, erseqqissaavigineqassasorlu sutigut tamatigut isumaqatigeqqissaartuaannartoqarsimangilluinnartoq.

*Naalackersuisut naliliipput, ataatsimiititaliarsuup nalunaarusiaata annerani isumaqatigiittoqarsimasooq, akitsuusiinissamut periuserrisassat tassunga ilaallutik. Pisuussutini akitsuusiisarlernissami periuserrisassat nalunaarusiami inerniliussanii aaneqarsimapput ataatsimiititaliarsuarmi ilaasortanit isumaqataaffigineqareersimasimasut.*

PS-imit aamma maluginiarneqarsimavoq, periusissatut saqqummiunneqartoq ataatsimiititaliarsuarmut saqqummiunneqartumit allaanerujussuusoq taamaattumik PS ataatsimilluunniit isumaqataangilaq atuutsinneqalernissaanut akuersaangilluinnarlugulu. PS tupigusuppoq, piffissaq ilisimatuunillu siunnersorneqarnermut aningaasartuutaareersut eqqarsaatigalugit inerniliineq taama suunngitsigimmat pitsaanerunanilu. Periusissatut saqqummiunneqartoq PS-ip isumaa malillugu Inuussutissarsiornermut Nunattalu Karsianut ulorianartorsiortitsilersinnaasoq.

Taamaattumik PS isumaqarpoq, pisuussutitigut akitsuusiisalernissamut periusissiaq aalisarnikkut inatsimmut atatinneqartariaqartoq. PS-ipp oqaaseqaammini nangilluni oqaatigaa aalisarnikkut inatsit suli piulinngimmat, akitsuuserinikkut aaliangersaavinnissamut suli toqqammavissaqanngitsoq, qaffaanissamulluunniimmi toqqammavissaqanngilluinnartoq.

*Marlunnut pisuusutitut akitsuusiisalernissamut periusissiaq, ataatsimiititaliarsuarmut saqqummiunneqareernikuuvoq takornartarisassaannigilaq. Aammattaaq isertitat tunngavigalugit akitsuusiisalernissamut periusissiaq saqqummiunneqareernikuuvoq.*

*Naalackersuisut akuersaarpaat, ilumut iluarnerusimassagaluartoq aalisarnikkut inatsisiliornermut ilanngullugupilersaarusiorgulu saqqummiunneqarsimanissaa, pilersaarusiulermammi taanna siunertaanikummat.*

PS-ipp akissut uppersarparaa, qeqertat avataanni aalisagartassat quleraarterutaannik nutaamik agguasseqqinnerup, kinguneri tikkuarlugit. PS-ip ilimasuutigaa qeqertat avataanni aalisartartut isertitammikut annaasaqaateqarumaartut 10 % ´mik annikilliliiffigineqarunik. PS-ip naatsorsuina malillugu sinneqartoorutit 29 % ´mik ikileriassapput 20 % mi annikilliliiffigineqassagunik 54 % mik ikileriassallutik. PS isumaqarpoq pisuusutitut akitsuusiinissamik pilersaarut aalisarnikkut politikkimut attuumanngitsumik ingerlasoq. PS isumaqarportaaq periusissatut toqqarsimasaq tulluurtuunngitsoq, aalisarnikkut inatsik qivaraanni, kialuunniit naatsorsorsinnaavaa kaaviiartitanik annaasaqarnermi akitsuutitigut isertitarisassat qanoq nalorniartorsiornerisat sinnaatigut nikeriataarsinnaanermikkut.

PS-ip paarlattuanioq siunnersuutigerusuppaa periusissamik sanasoqassasoq aalisariutit immikkut tamaasa minnerpaaffilikkamik isertititigut inissisimanissaannik qulakkeerfigineqassasut, pisuussutitigut akitsuutip atuutsinneqalerfissaanut killilikkamik. PS-ip siunnersuutigaa kaaviiartitat ukiup affaa kingumut akit toqqammavigalugit naatsorsuusiorneqartassasut, pisassii-nermi tullermi Nunatta Karsianut isertitaasussat tassuunatigut ilisimakannereerneqarniassamata. Taamaaliortoqanngippat PSip takorloorpaa 80 ´kunnit amigartooruteqalernikkut ajutoortoqavissinnaanera allaat suut pigisat tamaasa annaerisigut, politikki ingerlassaq pissutaalluni, taamaariaannaanera PS-ip takorlooruminartippaa.

*Periuserisassaq ukiup affaani kingullermi avammut tunisanik naatsorsuisarneq toqqammavigalugu akitsuusiisarnissaq iluanaarutit tamakkiisumik matussusiissutaasinnaalluarpoq, ukiup affaani siullermi akit appasinnerusarnerat eqqarsaatigalugu. Periusissap siunertalunera taarserneqarniarsimammat marlunnut pisuussutitigut akitsuusiisarnissaq isertitat toqqammavigalugit akitsuusiisarnissanngorlugu iluarnerumisaalerpoq taamaannerani.*

PS-ip oqaaseqaammini oqaatigaa amigaataasoq qanorpiaq takorluugaasimanersoq akitsuutip piviusumi ilanngaataasarnissaa, Naalackersuisoqarfulli oqaloqatiginerani paasinarsisimasoq

ullumikkut %-ngorlugu ilanngaak koruuninguinnarlugu takorluugaasoq akitsuusiineq ukiut pingasut kingumut aningaasartuutaasimasut aallaavigalugit naatsorsiuusiorqartassasoq. PS tassunga atatillugu nassuiaassuteqarpoq 2015-2017´mut akitigut kinguppaat appaavigineqarsimasut 15´miik 20 %´mut, taassuma takussuserpaatigut ukiuni pingasuni kingumut aningaasartuutaasimasut takugaluarlugilluunniit piviusoq allaanerujussuusinnaasoq.

*Marlunnut pisuussutitigut akitsuusiinermiik isertitat toqqammavigalugit akitsuusiisalernermi anguniarneqarsimavoq periusaasimasup siunertalussimanageri pinngitsoorniarlugit ingerlatsisoqarusulluni.*

PS-ip innersuussutigerusuppaa akitsuusiinermi akit atuuttut qiviaqqaarneqartarnissaat saniatigullu siunnersuutigalugu akitsuut nikerartuuteqqullugu soorlu qaleralittanik kinguppattanillu akit taamaattut. PS isumaqarportaaq ullumikkut atuuttutuut ukiumut sisamariarluni naatsorsuusiortarneq atuutiinnarsinnaasoq, allaffissornertaa pisariaqanngitsumik nanertortariaqanngimmat. Taamaattumik PS-ip siunnersuutigiumavaa, akitsuusiisarnikkut inatsit ullumikkut atuuttoq aallaavigalugu ingerlassasoq, ersarinngitsunik paasiuminaatsunik taarserniarsarinagu.

*Qulaani akissut qiviaqquneqarpoq. Akitsuusiinikkut periusissami nutaassami isertitanik aallaavilikkami ukiup affaani akit atuuttut tunngavigalugit akitsuummik naatsorsuisoqartassasoq. Taamaalilluni ukiup affaani siullermi akit atuuttut tunngaviullutik ukiup affaani kingullermi akitsuutaasussa qqaarsorlugu aaliangerneqartassaaq.*

PS-ip ilanngullugu eqqarsarnartoqartippaa, naatsorsueriaatsimik ilanngussisoqarsimanninnera, aamma raajat pisassallu allat akulerussuunnerat isumassaqqanngitsutut isigaat, imminnut akitigut atasumik nikerarfeqqanngimmata. PS-ip pissusissamisoorsora 2016 assersuusiullugu takussutissiisoqarnissaa pisariaqartoq.

*Siunnersuutip ersarinnginnera paasinartoq, assersuusioqattaarnikkut paasinarsaasoqarsinnaasimagaluartoq pisuussutitigut akitsuusiiniarnermi periusissap tungaatigut.*

*Periutsip pisariussusaanik oqaaseqaatit pisuussutinik iluaquteqarnermik akitsuutip marloqiusaanerata kaaviiaartitat aallaavigalugit pisuussutinik atuinermut akitsuusiinermik, pisariunnginnerutinneqartumik toqqammaveqalersillugu allannngortinneqarneratigut naaperiarneqarput.*

Naggataatigut PS oqaaseqaammini oqaatigisimavaat inuussutissarsiummut GN KANUAA-NA-lu oqartussaassuseqaqataalernerusariaqartut sunniuteqaqataanissaminnut periarfissaqarlutik, misigisimagamik inuussutissarsiornermiik GN-imi ataatsimiitaliani peqataaneq inissisimasuusaarnertut naleqalertoorsinnaasoq ilisimatusarnermut aalingiusassat GN-imit aaliangi-



unneqareertarmata, ilanngullu PS isumaqarpoq KANUAANA kattuffiusoq eqartuusoq allaf-fissornerinnaallunilu, ilisimasaminnillu avitseqateqassanatik qanoq NANUAANA-p misissui-sarnertik pilersarusiortarnerlugu. PS isumaqarpoq akikinnerusumik nakkutiginnilluarnarne-rusumillu nassaartoqarsinnaasoq inuussutissarsiortut akuutinnerisigut ilisimasaasalu atorluar-nerisigut. Aammattaq PS isumaqarpoq inatsisissamik pilersitsiniarneq allatut oqaaseqatigiilia-rineqarsinnaasoq. Inuussutissarsiortut akuutissimagaanni paragraffit ataasiakkaat allatoq-qissaaq isikkoqarsimasinnaagaluarput paasinarsagaanermikkut ersarissarneqarnermikkullu.

*Inuussutissarsiortuniik suleqatigiisitsarsuarmi peqataatitsisoqarnikuuvoq pisuussutitigut akit-suusiisalernissamut periusissamik eqqartuinerni. Inaarsajaarneqannginnera nalunaarusiallu imaanik samminnerup kingusinaarnera pissutaallutik piffissaliussallu sivikillinerani ajor-nakusoorsimavoqoqaaseqatigiinnut oqaasinnngortitsiniarnertaani peqataatitaqarnissaq.*

*Siunnersuutip avataaniippoq taakkuninnga eqqartuisinnaaneq oqaaseqaataasimasunullumi-KANUNAANA-p siunnersuutaa Inuussutissarsiortuni annertuumik akuutitsinerunissaq, Aali-sarnermut Piniarnermullu Naalackersuisoqarfimmut tunniupparput, KANUAANA taassuma Naalackersuisosqarfiup ataaniittuummat.*

Paragraffinut ataasiakkaanut tunngatillugu PS periutsinut siunnersuummi tunngassutilinnik apeqquteqaatissaqarpoq:

§ 3´ mut tunngatillugu PS-ip maluginiarsimavaa periusissaq paatsuunganartuusoq.

*Periusissatut siunnersuutip paasiuminaatsortaqaarsinnaanera paasinarpoq, assersuutinik ar-laqarnerusunik ilassuteqartoqarsimasuuppat paasiuminarnerusimassagaluartoq paasisinnaa-varput.*

*Tassungu akissutitullusooq marlunnut pisuussutitigut akitsuusiinissaagaluaq isertitanik aal-laavilikamik akitsuusiisalernissamik taarsernerani isumaqarpugut paatsuungassutinik anni-killititsissasoq.*

PS-ip apeqquteqaataanut ilaavoq § 4, imm. 2-mi akitsuut akigititamit tamakkiisumiit ilanngaataassanersoq imaluunniit oqaaseqaatinitut allassimasumi pisoqassanersoq ilanngaataasinnaasut minnerpaaffiat aallaaviulluni ilanngaatigineqartassanersoq.

*Oqaaseqaatit akineqarnissaat pisariaaruppoq, marlunnut pisuussutitigut akitsuusiisarnissaa-galuaq isertitat aallaavigalugit akitsuusiisalernissamik taarserneqareemat.*

PS-<sup>p</sup> maluginiarsimavaa § 4, imm. 3-mut atatillugu akitsuummik naatsorsuisarnissaq taamaallaat avataasiutit aalisakkerivittut atuutiutigisuni isertitat aallaavigalugit naatsorsuisoqartartoq, taamaaliornermi imaattoqariataarsinnaammat qaffasippallaartumik aallaavilikkamik naatsorsuusiortoortoqarluni. PS-ip siunnersuutigerusuppaa lastip imai aallaavigalugit kilomut aki aalajangersaaffigineqartassasoq. Aamma tamanna Imm. 4-mut atuuppoq. Saniatigut malugeqquneqarpoq imaariaannaasoq kinguppaat tunisassiarineqartartut akertik qaangerlugu akitsuuserneqarsinnaanerit imaariaannaammat pisuussutigut akitsuut tunisinermi akimik qaffasinneroriaannaalluni.

*Marlunnut akitsuusiinissaagaluq isertitanik aallaavilikkamik akitsuusiisalernissamut taarsermat, imaalissaaq tunisinermi akip qasseraarterutaannaa akitsuusigassanngorlugu tulaassinermiluunniit aki aallaaviulluni. Isertitat aallaavigalugit akitsuusiisalernissami avammut tunisaqarnermi akitsuuummiik tulaassinermi akitsuut annikinnerutinneqarsimavoq.*

PS-ip takorloorpaattaaq, kilokkaartumik akitsuusiinermi, pinngitsooritik tunisassiarineqartartussani qaffasinnerpaaffissatut aaliangiussa 25 %-usoq qaangertoorsinnaasassagaa, ullumikkut pissutsit atuuttutut.

*Qulaani akissut takoqquneqarpoq.*

§ 4, imm. 5-imut tunngatillugu PS-ip kissaatigaa 2016-mi kisitsisit pigeriikkat aallaavigalugit takussutissiisoqassasoq assersuummik, 2017-imi akitsuutit annertussutsimikkut atugarisassat ersarissiniassammata.

*Assersuusiornissaq ajornakusoorsimavoq inatsimmik siunnersuusiornierup nalaani 2016-imut kisitsisit tunngasut sulii pissarsiarineqarsinnaanngimmata.*

§ 4, imm. 6-imut 7-mullu atatillugu pissusissamisoorsorinngilarput, akitsuut taama annertutigisoq kisitsisit piviusuunngitsut aallaavigalugit naatsorsuusiorsimanissaq. Taamaattumik PS-ip siunnersuutigaa taanna tunuliaqutaralugu, ullumikkutut periuseq aallaavigalugu, akitsuut ukiumut sisamariarluni naatsorsorneqartarneratut, misissueqqissaartartunit misissuiffigineqartartunik periuseqarneq atuutsiinnarneqassasoq.

*Akitsuutinik naatsorsuinerit pisarput umiarsuaateqatigiiffinninngaanniit nalunaarusiat tunngavigalugit avataasiortuniik nunap qanittuani aalisartuniit kinguppanniit qaleralinnianiillu nalunaarusiat naatsorsuinerit tunngaviusarlutik.*

§ 5-imut tunngatillugu PS oqaaseqaateqarsimavoq, aalingersimasumik akitsuusiinneq ikerinnarsiortunik aalisarnermi kiisalu piffissani aalingersimasuinnarni piusartuni, aporfeqarsinnaa-

soq, akitsuusiussat qaffasippallernerisigut. § 5, imm. 2-mittaaq maluginiarpaat aalajangersak-kamut ilanngullugu erseqqissarneqartariaqartoq inuttatigut piumasagaatit atuutsinneqassasut akitsuutitigut oqinnerusumik atugaqarsinnaaneq anguniassagaanni. Taamaakkaluartoq arlaati-gut killileereertoqarsimasinnaalluni.

*Pisuusutitigut akitsuutip sunniutai takujuminaassinnaapput, qalluinerit amerlasuut angallati-nit nunanit allaneersunit ingerlanneqarmata, kiisalu aalisariutinik assigiinngitsunik pisama-sartunik. Isornartorsiunerit kinguneqartikkumallugit upernaajugaa 2017-imi makrelinik akit-suut appaaffigineqarpoq, Inatsisartut Inatsisaanni imm. 2-mi maajip ulluisa 29-aneersumi 2017 qaleralinnut akitsuut aalisakkanullu allanut. Taamaalinikkut makreli akitsuuteqalerpoq 0 kr. 40 øremik Kalaalit Nunaanneersunut angallatinut angallatinulli nunanit allaneersunut 1 kr. 70 øremik. Akitsuummik annertusussiliusaaq taamaalinerani qallorneqartunut naammagisi-maarnartutut isiginarpoq. Atuisutut akitsuusiisarnermik atorunnaarsitsinerimi ikerinnarsior-tuni aalisarnermi tonsimut akiliut 60 kr 70 øremik apparpoq.*

§ 7-imut tunngatillugu, PS-ip innersuukkumavaa oqaaseq atorneqartoq `akileraarut` `akile-raarneq`-mik taarserneqassasoq. Imm. 2-milu qummut killiliisoqassasoq, annertoorujussuit pi-neqarmata, taarsiullugulu piffissami pineqartumi ernialersitsisoqarsinnaasoq.

*Oqaaseqaat aaliangersakkap imm. 5-ianut ilanngunneqarpoq oqaaseq `akileraarut` `akit-suut`-nngortinneqassasoq*

*Aaliangersakkap Imm. 8´ni, allannngortitserneermi siunnersuummi ersippoq § 11-mi aalaja-ngersaavigineqartoq, akitsuummut aamma tunngatillugu, akiliinngitsoortoqarpat 2 %´mik qaavatigut akiligassiisoqartassasoq, piffissaq aalisarfigiligassaaq sioqqullugu akilereerneqar-tussamik.*

PS kaammattuerusuppoq, siunnersuut saqqummiunneqassannngitsoq sukujmiisumik inuussu-tissarsiornekkut ingerlatsisunik isumasioqateqareertoqartinnagu attaveqarfifullu suleqatigisar-takkat attuumassutillit taamattaq attaveqarfifigereertinnagit, naatsorsuusianik assersuutinik pe-qareertinnani kialuunniit paasisinnaasaanik suliaalluarsimasussanik.

*Suleqatigiisitsarsuarmi akitsuusiinssamullu periusissanik suliaqarnerit ukiuni marlungajanni ingerlasimapput. Pissusissamisuumngilaq aaliangersaaviginissaata kinguarsaqqinnissaa. Taamaakkaluartoq Naalackersuisut akuersaarpaat inuussutissarsiuutigalugu ingerlatsisut isu-masioqatigisinnaallugit inatsisissatut siunnersuummi periusissatut saqqummiussap allan-ngorsarneqarsinnaaneranut iluarsartuuteqqissinnaanerannullu ammallutik.*

KNAPK

KNAPK-p tusarniaanermi akissuteqaasiamini maluginiarsimavaa immikkoortortaqaqfinnut tamanut tusarniaaneq nassiussorneqarnikuusimasoq, taamaalilluni siunnersuummut oqaaseqaattissat ataatsimoorussamik akissutaasut.

KNAPK-p saniatigut Qullersaqarfimmud akissuteqaatigereersimasartik 27 . marts 2017 nassiussimasartik aamma eqqaasitsissutigaa.

KNAPK-p aamma maluginiarsimavaa 27. marts 2017 tusarniaanermiik allannguutaasoq marlunnut akitsuuseeriaatsimik siunnersuut aalisarneq Kalaallit Nunaanni tamakkiisumik isigalugu.

*Siunnersuut tusarniaanermut toqqammaviusoq suleqatigiissitat siunnersuusiat Nunatsinni aalisarnermi akitsueraatsimik siunnersuuteqarnermi tusarniaatitsineq, 27.marts 2017 ingerlanneqartoq, toqqammaviusimasoq.*

KNAPK-p aamma maluginiarsimavaa, aalisarnikkut ingerlalluortoqartillugu, pissusissami-soorsinnaasoq artit taaneqartut akitsuusertarsinnaanissaat, KNAPK-li isumaqarpoq akitsuusii-nissaq sinneqartoorfiunngitsuni illersorneqarsinnaanngitsoq. KNAPK-p maluginiarsimavaa, akitsuusiiniarnernik suliaqarnermi arlaleriarlutik tamanna uparuartarnikuullugu taamaakkalu-artoq tupaallaatigaat tunngaviatigut akitsuusiisoqarnera, sinneqartooruteqarsimagaanni sinneqartooruteqarsimannikkaanniluunniit.

*Aalisarnikkut sinneqartooruteqartaraanni sinneqartooruteqartannikkaluaaraanniluunniit aalisarneq aningaasartuuterpassuaqartarpoq allaffissornikkut, misissuinernut uumasunilluunniit misissueqqissaartarnernut. Pissusissamissoorsoraarput inuiaqatigiittut akiligassatigut nammaqatigiinnissarput ataatsimoorluta aalisarfinnik atuisuunitsinnut.*

KNAPK-p maluginiarpaa, nunap qanittuani qaleralinniarnermi 5 pct.-imik akitsuusiisoqarnera aalisartunit iluaagineqartoq avannaani aalisarfiusuni pingasuni taamaattumillu kisiisa nam-mattussaajunnaarlugit allannguisoqarnera iluarisimaarneqalersoq.

KNAPK-ttaaqq maluginiarsimavaa, nunap aalisartuinut saarullik pingaaruteqartuusoq, inuus-sutissarsiutituttaaqq, toqqammavissaqarsorinngilaalli, naak akitigut qaffaminertoqaraluartoq, taakkua akitsuuserneqarnissaat.

*Marlunnut akitsuuseeriaatsimik periuseqarneq allanngortinneqarpoq tulaassanut kilomut akigitinneqartup annertussusaa akitsuusiinermi aallaavigineqartassasoq. Tunngaviatigut kiilumut 5 øremik akitsuuserneqarpoq, saarullittanik tunisinermi 8 kr sinnersimanngippagu.*

*Tunisinermi 8 kr. sinnersimappagu taassuma 5 %'ia akiliutaasassaaq. Naliliinermi isummer-toqarpoq saarullinniarnermi akitsuusiussaq taanna nammaneqarsinnaassasoq.*

Siunnersuummi § 4 Imm. 5-imi KNAPK-p maluginiarsimavaa, aaliangersakkap imaani ”akitsuummik annertussusiinermi aalisariutini suliffissuarniik assigiinngitsuneersuni akitsuusiisarnikkut periutsit agguaqatigiisillutik inernerat aallaaviusimasoq”, tamannalu aporfilersuilersinnaasoq, tunisinermi akit assigiinngiaarsinnaanerata pissutaalluni. Unammisoqarnerasoq kisermaassisoqarnerlorluunniit apequtaalluni. KNAPK-p isumakuluutigaa, pissutsit taakku isiginiarneqarsimangippata, kisermaassiffinni tunisisartoq unammisoqarfimmeersumiik annertunerusumik nammakkinneqarsinnaanera takorloorneqarsinnaammat.

*Marlunnut akitsuusiisarneq allanngortinneqarpoq isertitat aallaavigalugit akitsuutitalimmut, akitsuut annertussusiligaalluni aalisakkap suunera aallaavigalugu. Isertitat aallaavigalugit akitsuusiinermi, akitsuut allanngorartuussaaq tunisinermi isertitat apequtaalerlutik, agguaqatigiisitsilluniluunniit akimik aallaaviliisimagaluaraanni.*

KNAPK-p aammattaq siunnersuummiittoq maluginiarpa, inuussutissarsiutigalugu aalisartut, tunisisanngikkaluit, immikkut saarullittassinneqarlutillu qaleralittassinneqarnikuusut, assiganik akitsuutinik akiliisussanngorsimasut taamaalilluni akitsuut inuussutissarsiutigivillugu aalisartuniinnaq nammaneqarunnaartillugu.

*Anguniarneqartoq unaavoq, siunnersuut tunngavigalugu, Nunatsinni pisuussutitsinnik atuisut tamakkerlutik akitsuutit aqutitigalugit nammaqataassasut inuiaqatigiinnut tapiinermikkut.*

KNAPK-p erseqqissaavigitikkusuppaa akitsuut ilanngaataasinnaasassanersoq.

*Naalackersuisut maluginiarpaat, aalisakkanut akitsuutit, aningaasartuutitulli allatut, isertitanik akileraarnikkut ilanngaataasinnaasassasut.*

KNAPK-p tusarniaatitsinermi akissuteqaatiminni allassimavaat, nunap qanittuani ullumikkut aalisartut, pisaminnik tunitsivinnut tulaassisarnissaat, tamannalu KNAPK-p naliliinermini isummerfigaat, aalisartunut ineriartoqqinnissamut pisaqarnerulernissamulluunniit aporfilersuilersinnaasoq. KNAPK-p eqqaasitsissutigerusuppaa, aalisartunik sumiiffinnut ”piffinnut pituuttatut” atuuttuulersinnaasoq. Taamaattumik KNAPK-p kissaatigaa, oqallitsitsinermik ammaassisoqassasoq, ataavartuutiinnassanerlugumik oqallitsitsinermik.

*Siunnersuummik eqqaaneqanngilaq aaliangersimasumik tulaassuisoqartassanersoq. Tamanna aalisarnikkut inatsimmi aaliangersaavigineqarumaarpoq. Aaliangersimasumut tulaassui-*

*sarnissamik piumasagaateqartoqassappat oqartussat akornanni tamanna oqallisaajumaarpoq.*

KNAPK-p maluginiaanut ilaavoq aalisartut pisortanit ikiorsiivigineqarsinnaanissaminnut periarfissaat, misigisarnikuugamikku aalisartut ikiorsiissutinik tunineqarumaneq ajortut, tassa-gooq aalisartut namminersortuummata. KNAPK-mi isumaqataaffigineqarpoq aap aalisartut inatsisitigut namminersortuusut, KNAPK-miilli isumaqarfigineqarpoq aalisartut inuiaqatigiinni aningaasarsiortutulli akileraartuusut innuttaasunit allanit annikinnerunngitsumik. KNAPK-p innersuussutigerusuppaa akileraartartunut tamanut assigiimmik naligiimmik aaqqiisoqassasoq.

*Siunnersuut aalisartut pisortanit ikiorsiissutisisalernissaannut aaliangersaaniarnermik, tungassuteqanngilaq. Tassuunatigut aaliangersakkat Isumaginninnermi Inatsimmiipput. Allannguutissanik siunnersuutissaqaraanni oqartussanut saqqummiunneqassaaq.*

KNAPK isumaqarportaaq qulequtaq pineqartillugu ningittakkat atunngitsut immap naqqaniiginnartut qaqittarnissaannut akisussaaffik inuiaqatigiinniittoq. KNAPK-p siunnersuutigerusuppaa akitsuutitigut isertitat ilaat taamaasiortalernissamut siunertalikkamik aaliangersimasumik immikkoortinneqartassasut.

*Nunami maani ileqqunngilaq, aaliangersimasumik siunertalikkamik immikkoortiterisoqartarneq. Taamaattumik apeqqut taanna Aalisarnermut Piniarnermullu Naalakkersuisoqarfimmit, Pinngortitamut Avatangiisinullu Naalakkersuisoqarfik peqatigalugu isumagineqassasoq isumaqarput.*

Naggasiutigalugu KNAPK-mit maluginiarneqarpoq, kattuffimmini ilaasortat arlallit arlaatigut isummersorfigisimagaat, akitsuusiinissamik aaliangersaasoqarsimanera maluginiarsimallugu, isummersuutit assigiinngitsut aallaaviginngikkaluarlugit. Aalisartut ataatsimut isigalugu, aalisarnerup iluani ineriartornissamik akornusiisinnaasunik akitsuusiisoqarnissaa aklerlaat.

*Inatsisiliorneq, Inatsisartuni ataatsimiititalianilu arlaleriaammik eqqartuiffigineqaqqaarlutik, aalajangersaaffigineqartarput. Inatsisiliornermi inuiaqatigiit tamakkiisumik eqqarsaatiginiarneqartarput inatsisiliornermilu periarfissaasinnaasunut ammasuunissamik isuma pigisaq aallaaviginiarneqartarluni. Tusarniaatitsinermi akissutaasimasut tamakkerlugit misissorneqartarput nalilersuiffigineqarlutik Inatsisissallu Inatsisartuni saqqummiunneqannginnerini inatsimmut tungassuteqarsinnaasorisat ilanngussuunneqaqqaartarlutik. Taamaattumik Naalakkersuisut sakkortuumik aklerlilerusuppaaq oqartoqartarnera inatsisit siumut aaliangiute-reerlutik inaarsagaareerlutik saqqummiunneqartartut.*

## Qaasuitsup Kommunia

Qaasuitsup Kommuniata akissuteqaamminni, maluginiarsimavaa siunnersuutip kalaallisuuani aalisarnikkut inatsimmeereersut taageriaatsit akuerisaareersut siunnersuummi allatut taaneqartarsimasut.

*Siunnersuutip kalaallisuuani taageriaatsinut pioreersunut nalimmassarneqarsimalerput.*

## Sulisitsisut (GE)

Sulisitsisut maluginiarpaat akissuteqaatiminni, nalornissutigalugu suleqatigiissitap ilaasortai tamakkerlutik siunnersuusiassamut isumaqatigiissinnaasimanersut. Pasivaat isumaqatigiissutigivissinnaasimangikkaat. Sulisitsisut tikkuarpaat, suleqatigiissitaq Aningaasaqarnermut Naalakkersuisoqarfimmi ataatsimeeqateqartarsimasoq, kalaallit aalisartut aalisarnermi pisuussutinit iluanaarutinit inatsisiliassap piareersarneqarnerani kiisalu siunnersuutiginiarsaarnani, pasivaallu peqataasut tusarniaaffigineqaannarsimasut Naalakkersuisoqarfilli nalunaarusiamik suliarinnittuusimasoq Naalakkersuisunut saqqummiunneqartumik. Taamaattumik Sulisitsisut isumaqarput paasissutissat eqquissunngitsut allangortinneqartariaqartullu.

*Suleqatigiissitap suliassarimavaa, akitsuusiinermi periusaasinnaasunik assigiinngitsunik katersinissani, iluaqutaasinnaasut ajoqutaasinnaasulluunniit misissuiffigalugit, kingunerusinnaasut takussutissalersorlugit naggataatigullu nalunaarusiorlutik aalisarnerup iluani akitsuusiinermi siunissami piukunnarsinnaasunik takussutissiillutik tigussaasunik atorsaasunillu. Suliaq Aningaasaqarnermut Akileraartarnermullu Naalakkersuisoqarfimmit aqunneqarsimavoq taakkuusimappullu aamma allaffissornikkut aqutsisuusimasut.*

*Naalakkersusiut ajuusaarutigaat, Sulisitsisut tusarniaaffigineqartutuinnaq inissisimasutut misigisimasimmata. Oqaaseqaatit ilassutillu tamakkerlugit qimerloorneqaqqissaarneqarlutik oqallisigineqarsimapput. Oqaatigineqarsimasullu tamarmik allattorneqarsimallutik nalunaarusiami atuarneqarsinnaapput.*

Sulisitsisut tikkuarsimavaattaaq, isornartillugu, nalunaarusiami oqaaseqaataasimasunut inner-suussinermi, tusarniaaffigineqartut isummersuutaat ersarissut ilanngunneqartarsimangimmata suliap ingerlanneqarneranut nalunaarusiallu imaanik isornartorsiunerit. Sulisitsisut maluginiarsimavaattaaq, aalisarnermi politikikkut suliniutinik isornartorsiuisarmanerit, ataqatigiissaavigineqartarsimangitsut imminnullu akerlilersortut eqqaaneqarsimangimmata.

*Akerliliissutit suliap ingerlassaananut nalunaarusiamullu, kalaallit aalisarfiini aalisarnermi pisuussutinit iluanaarutit pillugit nalunaarusiami taakkartorneqarsimasut kiisalu iluanaarusiinissamat periusissatut siunnersuutini.*

*Siunnersuummi aalisarnikkut politikkip eqqartuiffiunissaanut periarfissaqanngilaq.*

Sulisitsisut tusarniaanermi akissuteqaamminni 27. marts 2017-imeersumi, allassimagaa taamanikkut Aalisarnermi Piniarnermilu Naalakkersuisup § 37-mut tunngasumut apeqqummut tunngatillugu Naalakkersuisut politikikkut aalisarnermi anguniakkatigut pilersaarusiaanni; Naalakkersuisut anguniagarigaat, nunamut qanittumi kiisalu aalisartunik avataasiortunillu amerlanerusunik kissaateqarlutik pisassiissutissat naammattorsuummata, kiisalu Naalakkersuisut 2017-imi qaleralittassat, saarullittassat, suluppaagartassat quleraarterutaat immikkoortinniarlugit, inuiaqatigiillu aningaasatigut annaasaqassasut aalisariutinut agguataarisoqassagaluarpat, ilimasuutigineqarmat angallatit pioreersut pisassiisutit qaloorsinnaassagaat, tamakkerneqanngippatali aningaasartuutit annertunngussasut, nutaaliornerit amerlatsissasut, aalisagartatsinnik qaloorsinnaasut amerlatsinniarlugit suliniuteqartussanik.

Sulisitsisut paasisimavaat, Aningaasaqarnermut Akileeraartarnermullu Naalakkersuisoqarfiup kissaatigigaa aalisarnermit pisuussutinit iluanaarut eqqukkusukkaat, aalisarnermi imminut akilersinnaasumut tulluortoq annertunerpaamillu isertitaqaataasinnaasoq, taassumanilu tunngaviatigut piunasaqaataasoq paasisaq unaasimasoq, aalisarnikkut ingerlalluortoqartillugu pisuussutitigut iluanaarutitigut annertunerusassasut, taamaakkaluortoq Aaliasarnikkut Piniar-nikkullu Naalakkersuisoqarfiup pilersaaraa aalisarnikkut ingerlanerliornerusoqalernissaa inuiaqatigiinnut annaasaqaataasussanngorlugu taamaaliner-mikkut politikikkut aalisarnerup iluani imminnut akerleriissunik siunertaliillutik uffa massa tamaginniit kajumissaarneqarlutik politikikkut aalisarnernikkut anguniakkanik suliatigut ataqatigiissaarinissaminnut.

Sulisitsisut paasisimavaat, Naalakkersuisut Kalaallit Nunaanni inuussutissarsiutit annersaan-nik ersarissunik anguniagalersuinatillu sinaakkusersuinngitsut, kingunerisaanillu aningaasa-leerusuttut, piginnittut, aningaasaliisut inuiaqatigiinnilu inuussutissarsiornerikkut akuusut toq-qissisimajunnaartillugit, aalisarnikkut ingerlalluortoqarnissaanik pisariaqartitsisut, nassataris-sammagit suliffissat, nunanut allanut tunisassiornerit, nunattalu karsianut isertitaqaateqarnerit.

*Siunnersuutip iluani, aalisarnikkut politikki oqallisaasinnaannngilaq. Siunnersuummi allan-guutitigut anguniarneqarsimavoq aalisarnikkut ingerlalluarnissaq.*

Sulisitsisut tikkuarpaat 2015-mi aaliasarnikkut isertitaasimasut katillutik 2,5 mia. koruunium-mata inuiaqatigiinnullu tapiissutit taakkunangaanniik 1,2 mia. koruuniusimallutik.

Sulisitsisut taassunga atatillugu tikkuarpaat, aalisarnerup inuiaqatigiittut aningaasaqarnitsin-nut qanoq naleqartigisumik siaruartitsisartoq positivimik kingunilimmik, aalisarnikkullu im-minnut tatiginngitsumik ingerlassisoqarneratigut piffissaq sivikitsoq atorlugu aseruineq qanoq annertutigisoq pilersinnaasoq annaasaqaatitalimmik, aalisarnerullu silarsuaani sulisorpassuit,



soorlu 80-ikkunni taama pisoqartoq, Nunatta Karsiata imaarutiivilluni imaarutingajanneranik kingunilimmik. Sulisitsisut paasisinnaanngilaat, Naalackersuisut imminnut akerleriissunik siunnerfeqarsinnaasut aalisarnerup iluani politikikkut anguniakkamikkut uffa sakkortuumik kingunipiloqarsinnaasut ilisimagaluarlugit.

*Siuliani akissummut allassimasumut innersuussivugut.*

Naalackersuisoqarfiup innersuussaanut nalunaarusiamut tunngatillugu siunnersuusiamut tungasumut tunngatillugu Sulisitsisut inerniippit, Naalackersuisut aalisarnikkut politikkimisut saqqummiussaminni pisassiissutissanik agguataarinissaminnik pilersaarumminni aalisarnikkut ingerlalluarnissamut misissuinikkut nalunaarusiami sukuiaanikkut tunngavissat tamaasa atorunnaarsillugit piviusunngortoqassappammi aningaasat kaaviiartitat aallaavigalugit ilanngaatissaq appasinnerpaaffianiitinniarneqartussaassammat, imaammat aalisarnermi pisuussutinit aatsaat iluanaaruteqartoqartalermat, akiligassat tamakkerlugit akilersoreeraangasa. Sulisitsisut tikkuarpaat, aalisarnermi pisuussutinit iluanaarutissanik annertusilinneq kgmut akigititanik aallaavilerneqassappat, atorsinnaanavianngitsoq, pisassarititanik annertussusiineq nalorninartorsiortitsippat annikilliliiffiqineqarpalluunniit.

*Marlunnut akileraarusiisarnermik periuseq allanngortinneqarpoq isertitat aallaavigalugit aalisarnermi pisuussutinit iluanaarusiisarninngortillugu. Kingullertigut allannguinermi anguniarneqarpoq aalisarnikkut ingerlalluortoqalernissaa.*

Sulisitsisut maluginiarpaat, suleqatigiissitami kattuffinniik peqataatitat, naak angusaqaataanngikkaluaq, Naalackersuisunut saaffiginnissuteqarsimagaluit aalisarnikkut politiktimi ataqatigiissaarisqaarnissaanik kissaateqartoqaraluartoq Naalackersuisut aalisarnermi pisuussutininik iluanaarusiinissamik inatsisissamik nutaamik siunnersuuteqarnermikkut, Sulisitsisut paasinittaasiat malillugu assigiinnarpaa Naalackersuisut aalisarnikkut inuusutissarsiutillinnik isumasioqateqarusunngitsoq. Tamannalumi Sulisitsisut isumakulunnartoqartippaat.

*Piviusumi inatsisissatut siunnersuut ajornaquteqanngitsumik atuutsinneqaleriaannaavoq aalisarnikkut inatsisit allannguutaallu avaaqqullugit. Taamaakkaluartoq aalisarnikkut inatsimik allannguinerit sunniuteqarsinnaallutik aningaasatigut piumasaqaatit tungaatigut.*

*Siunnersuummili piumasaqaatit nikisinneqangaatsiassappata aalisarnikkut inatsimik allannguinermi pisariaqartitsineq naapertorlugu allannguutissanik Naalackersuisut siunnersuisoqassapput.*

Sulisitsisut kaammattuippit, akimortumik suleqatigiissitat iluini Namminersornerusut, Kommunit kiisalu aalisarnikkut inuusutissarsiutillit ataatsimiititaliarsuarmik pilersitsissasut, suli-

assamik nassuiaassisussat, kaammattorteqarluartut, nutaamik nalunaarusiortoqassasoq, 2009-imi nalunaarusiaasimasumut nutarsaataassasoq, ilisimatuunillu akuutitsisoqassasoq attuumasutilinnik ingerlatsinikkut inuiaqtaigiittullu aningaasatigut ingerlanikkut sunniutaasinnaasunik alloriaateqartoqarnissanik pilersaarusiorsinnaasunik takussutissartalikkanik naatsorsuusiornikkut politikikkut aalisarnermut anguniagassatigut.

Sulisitsisut isumaqarluinnarput, suleqatigiisitaq, killiffimmi taakkartukkatsinni, aalisarnikkut inuussutissarsiornikkut ineriartortitsinissamik nalorninartorsiorfitsiffiusumi, ilisimasassanik ammaassisuusinnaasunik kiisalu Naalakkersuisut eqqortumik politikikkut ataqatigiissaarititsinnaangorlugit ersarissumik toqqissisimanartumillu inuussutissarsiornikkut piumasaqaatitigut sinaakkusersuisinnaangorlugit.

*Apeqqut siunnersuusiamut toqqaannartumik tunngassuteqanngikkaluarpoq. Aalisarnikkut inatsimmi allannguutissatut siunnersuut oqallisigineqarnermigut inaarsarneqartariaqarpoq.*

Sulisitsisut maluginiarpaat, taperserneqarsimasoq, inuussutissarsiortut aalisarmit pisuussutinit iluanaarusiisassasut aalisarusukkunik, periuserisassarli ajornaannerussasoq, minnerunngitsumik Naalakkersuisut pilersaarusiugaannut ilisimaneqanngitsunut sillimmanneqareertassasut allannguutaasinnaasunut. Sulisitsisut isumaqarput periusissatut siunnersuut una taama ilusili-gaasimanngitsoq.

*Marlunnut akileraarusiisarnermiik isertitanik aallaavilikkamut nuunnikkut periusaasimasumi aporfiusimasut toqqissisimananngitsut pinngitsoorniarlugit alloriartoqarsimavoq allannguisoqartoqarlunilu.*

Sulisitsisut takorlooruminaatsippaat inatsisissaq qanoq piviusunngorsinnaassanersoq, aporfis-sarpassuaqarlunilu eqqarsarnartoqarmat, periutsumik eqqussineq, siornatigut periusaasimasu-mut assingusoq, aalisarnikkut inuussutissarsiummik aseruisumik 80-ikkut naajartorneranni, akileraarutip annertussusiligaaneratalu inuussutissarsiornikkullu isertitat imminnut attuuman-gitsutut inissisimasimammata ataqatigiissaagaanatik.

Sulisitsisut maluginiarpaat, tunngaviatigut tapersiisimallutik, inuussutissarsiortut Namminers-ornerusut inuussutissarsiummut aningaasartuutaannut akiliuteqartassasut, taamaakkaluaq Suli-sitsisut isumaqarput inatsimmik pilersitsinikkut `tigooraaginnartarfimmik` pisoqaleriatar-sinnaaneranut ammaassinertut isikkoqaleriaannaq. Taamaattumik Sulisitsisut tikkuarusuppaat, ersarissarneqassasoq aningaasartuutit sordiaat, ilanngussuunneqartassanersut siunnersuum-mullu ilanngunneqassut piumasaqaatitalimmik kattuffiit oqartussaanerusut sunniuteqarsinnaa-nerusullu, inuussutissarsiornerrullu iluani aningaasartuutissanik tunngassutilinnik sunneeqataa-sinnaasunik, soorlu KANUAANA kiisalu Pinngortitaleriffik.

*Siuliani akissutaasimasumut innersiuussivugut.*

Sulisitsisut nalunaarusiamut 27. marts 2017-imeersumut tunngatillugu oqaaseqaatigisimasati innersuussutigai, uani siunnersuummut atuutsitassatut kissaateqarlutik.

Sulisitsisut maluginiarpaat, Naalakkersuisut pisassanik agguataarisalernissaminni aalisarnikkut politikkiminni, aalisarnermi inuussutissarsiornikkut nalunaarusiami ingerlalluarnikkut nalilersuutitigut tunngavilersuutit atorunnaartikkaat, siunnersuummilu atuutsinneqalertussamut tunngatillugu, naatsorsuutinik takussutissanik amigaateqarnera tikkuarumallugu, takuneqarsinnaanngimmat qanoq aalisarnikkut ingerlalluortoqalernissaata tunngavilersorsimaneqarnissaa amigaataammat iluanaaruteqarsinnaanermut naatsorsuusianik imalik.

Saniatiguttaaq Sulisitsisut tikkuarumavaat, pisassanik agguataarinermi kingunerisassat aallaaviusariaqarmata, innersuussustigineqarpoq periusissamik ajornaannerusumik isertoitariumaagassat aallaavigalugit naatsorsuusiortoqarnissaa aalisarnermi pisuussutinit iluanaarutininik annertuussusiliinertalinnik, taannami aatsaat annertussuserneqarsinnaanngortartussaammat akiligassat tamakkiisumik akilerneqareeraangasa. Periuseq kilomut akigititat aallaavigalugit annertussusiligaq atorsinnaanngimmat, pisassiinermi toqqammavissaq nalorninartorsiorfiugaa-ngat nungutivinneqarluniluunniit.

*Marlunnut akitsuusiinikkut periuseq ajornaannerusumik taarserlugu, inatsisissatut siunnersuummi kingullermi aalisarnermi ingerlalluarnissamik takorluugaqarluni misiligummik aallaaviuniarsimammat.*

Sulisitsisuttaaq siunnersuummi maluginiarsimavaat, isumaqanngitsumik ukiumut ataasiarluni akitsuummik aaliangersaasarnissaq tunngaviatigullu akigititat pissutaallutik akitsuutip ukiuni marlunnik sioqqutsisumik akiliisoqartarnissaa, niuernikkut akit nikerarsinnaanerujussui pissutaatinneqarlutik.

Taamaattumik Sulisitsisut siunnersuutigiumavaat, periutsimik eqqussisoqassasoq, angallatit immikkut tamarmik qulakkeerinniffigineqassasut kaaviiartitaminnik minnerpaaffilerneqarlutik ukiup affaani kingullerni naatsorsuutitigut tunngavigalugit, taamaalinnikkut takupallanneqarsinnaalissammat pisassiissutininik allannguisoqaraluarpat qanoq inissisimaffeqarneq ersaris-sammat.

*Polar Seafood Greenland A/S-imut akissuteqaammut innersuussivugut.*

Sulisitsisut tassunga atatillugu taarusuppaat, pisassiissutaasimasunik atuinngitsoortoqarsimasagaangat naatsorsuutitut ilanngunneqartannginnissaat. Sulisitsisut oqaatigaat, pisassiissutit naleqarmata, immikkut akuerisamik pisassinneqarsimagaanni erniaqartitsisinnaaneq, pinngit-saaliissummilluunniit taarsiisutitalimmik pigisanik piginnikkunnaarsitsisoqarmerani, nalilersuinermi ataatsimut isigalugit angallammi angusaasimasut aningaasaqarnermut sunniuteqaqataasinnaammata ulorianaagteqarsinnaasumik, akiligassiissutinik killiliinikkut Kalaallit Nunaanni aalisarnikkutmiluanaaruteqarsinnaaneq aallaavigalugu politikikkut allannguinerit aamma isigalugit, kiisalu Kalaallit Nunaanni aalisarnikkut siunissami imminut akilersinnaasumik ingerlasoqarsinnaanera isiginiarneqassalluni, Sulisitsisulli ullumimut isummersuutini tusarsimangilaq aalisarnermut pisuussutitut akitsuusiinermi naatsorsuusiinermi periutsip atorsinnaannginnera, uumali siunnersuutip taamaallaat akitsuusiinikkut periusissap nalorni-nartorsiortitsilersinnaanera ernummataalluni.

*Marlunnut akitsuusiinermik periutsimik allannguineq oqinnerusumut paasiuminarnerusumut nuulluni raajanik akitsuusiisarmnut atuuttoq aallaavigalugu, siornatigullu malittarisimasaraluami iluaatsorpassuit aaqqissuunnerisigut.*

Sulisitsisut paragraffinut ataasiakkaanut oqaaseqaateqarlutillu apeqqutissaqarput, taakkununga ilaavoq §§ 3-imut 4-mullu siunnersuutit, aalisarnermilu pisuussutitut iluanaarutitut periusissamut tunngassutillit, tassunga ilaavoq periusissap ersernerluttuunera paasiuminaanneralu kiisalu periusissami pissusissamisuunngitsorpassuit.

*Periutsip paatsuuganartortaanut siunertalunnerinullu oqaaseqaataasimasut akissuserneqarniarneqarsimapput marlunnut akitsuusiinikkut periusiligaq allanngorlugu paasiuminarnerusumut isertitat apeqqutaatillugit akitsuutitalimmik eqqussinikkut.*

Siunnersuummi § 5, ikerinnarsiortunik aalisarnermut akitsuut pillugu, Sulisitsisut maluginiar-simavaat, aalisariaatsimi taama nierartigisumi aaliangersimasumik akitsuusiineq apeqquserneqarsinnaasoq ajornartorsiutinnguussinnaammat, aalisakkat akiinut naleqqiullugu aamma qaf-fasippallaarluni.

§ 5, imm. 2-mut tunngatillugu Sulisitsisut saniatigut maluginiarpaat, piunasaqaataasariaqar-tassasoq, oqinnerusumik akileraaruteqartitsisoqassappat, inuttatigut piunasaqaatit maleruar-neqassappata, inatsit isumaarutivissanngippat.

*Inuttaqarniarnermut inatsimmut apeqqutit aalisarnikkut inatsimmut ilaapput. Tassannga siunnersuuteqarnikkut inuttaqarniarnikkut inatsisit atuutereersut atuutsiinnarneqarnissaat innersuussutaavoq.*

§ 7-imut tunngatillugu Sulisitsisut maluginiarpaat oqaaseq `akileraarut` `akileraarusiinermik` taarserneqartariaqartoq, aaliangersaasoqartariaqartorlu qaffasinnerpaaffiliinermik erniatigulluunniit naatsorsuusiornermik kinguussaasoqartillugu atuuttussanik, taamaangippat akiligassiissut inornarsisinnaammat.

*Polar Seafood Greenland A/S-imut akissuteqaammut innersuussivugut.*

Sulisitsisut paasisimavaat, siunnersuut pisinnaatitsinermik imaqarlunilu aaliangersakkanik allanik immersugassartaqartussa, periarfissaliissutitaqartussarlu allaffisornikkut maleruagassanik aaliangersaanissartalimmik, naak siunnersuummut pingaarnertut aaliangersaassutissartai akileraarnikkut qullersaqarfimmit suliarineqartussaagaluit naatsorsuutisornikkut nittartagaatigullu saqqummersinneqarnermikkut.

Sulisitsisut isumaqarput, pisinnaatitaaneq taamaattoq aqutsisuinnaq isummorsorfigissallugu annertuallaartoq, naatsorsuinerit aaliangersagassallu minnerpaamik nalunaarusiannngussasut, Naalackersuisunit isummorsorfigineqartussat pisarnertullu tusarniaassutigineqarlutik.

*Marlunnut akitsuusiinermik aaliangiussaq isertitanut tulluarsakkamik akimut ersinnerumik paasiuminarnerusumik taarserneqarpoq.*

Sulisitsisut maluginiarsimavaat, raajanut akitsuut, kingullermik akitsuusiisoqarmalli 15 %-imut paarnaarlugu pilersinneqaramili nikeriaqqissimanngitsoq, qaffanniarneqassagaluarpallu politikikkut aaliangiussamut unioqqutitsinerussasoq.

*Inuussutissarsiummut attuumassutillit raajanik akitsuummik, Inatsisartut Inatsisaannik nr. 7, nov. ull. 29-anni 2013 allannguinissamik isumasioqatigisareerlugit, isumaqatigiissutaasimavoq parnaarlugu 15 %-timiitiinnarneqartussannngortikkaluarneqarnera atuukkunnaassasoq, allatigut akitsuusiinerup atuutsinneqalerneranik pissutilimmik, tassa Naalackersuisut suaarutigeriigaat, piviusunnngortinniarmeqalermat aappa una unitsiinnarneqarpoq.*

*Siunnersuusiorniarnermi, aalisarneq tamaat isigalugu assigiissaakkamik akitsuusiisarnikkut aaliangersagaqalernissaa anguniarneqarpoq, kiisalu piviusumi kingunerisassaasa siornatigut isumaqatigiissutaareersimasut atuukkunnaarsinnaaneri, atugassarititalluunniit allanngorpata allanngunngikkaluarpataluunniit taamaattoqarnissaa pisariaqalersinnaammatlagissagaat.*

*Naggataatungaani inatsisiliortut aaliangiisuususaassapput suut atuutsinneqassanersut suullu atuutsinneqassannginnersut.*

Siullermeertumik tusarniaanerp kingorna siunnersuut annertuumik allannguuteqarpoq, tusarniaanermummi akissutini akitsuuseeriaaseq siunnersuutigineqartoq annertuumik isornartorsiorneqarpoq, tamannalu siunnersuutaqaartutut akitsuuseeriaaseq marloqiusaq kaaviiartitat aallaavigalugit akitsuuseeriaasinngorlugu allanngortinneqarpoq.

Allannguutit piffissami 31. juli 2017-imit 1. august 2017-imut ukununnga nukingiussamik tusarniutigineqarput: Sulisitsisut (GE), Polar Seafood Greenland A/S (PS) kiisalu Aalisarnermut Piniarnermullu Naalackersuisoqarfik.

Tusarniaanermut piffissaliussap qaangiunnerani Sulisitsisunit (GE) Polar Seafood A/S-imillu (PS) akissutinik tigusaqartoqarpoq.

Tulliuttuni tusarniaavigineqartut oqaaseqaataat nalinginnaasumik naqinnilinnik allanneqarput, Naalackersuisullu akissutaat *uingasumik* allanneqarlutik.

#### Polar Seafood Greenland A/S (PS)

PS-ip tusarniaanermut akissuteqaammuni aallaqqaasiullugu raajanut akitsuutip nassuiaatini allasimasoq ukiorpassuarnik sioqqullugu atuutilersinneqarnera taavaa. Raajanut akitsuut 80-ikkunni aningaasanut inatsisit ilaanni oqaasertaliinikkut atulersinneqarpoq, kingornalu 1990-imi inatsisikkut aalajangersaavigineqartoq PS-ip nassuiaatigaa. Peqatigisaanillu akitsuut akip ilaattut procentitut aalajangersaavigineqarpoq.

#### *Oqaatigisat siunnersuummut ilanngunneqarput.*

80-ikkut naalerneranni akitsuutitigut qaffasissutigut, akisussaassuseqanngitsumillu aalisarnermut politikeqarnikkut inuussutissarsiutip ajalusoortinneqarnera PS-ip ilanngullugu oqaatigaa, PS-illu isumaa naapertorlugu tamanna peqqikkaluttuarpoq.

Siunnersuut aqqutigalugu akitsuutit annertuumik qaffanniarneqartut PS-ip oqaatigaa, ingammik qaleralinnut akitsuut marloriaat sinnerlugu qaffassaaq. Suliniutit Naalackersuisut aallartitaat imminut akilersinnaassagunangitsut PS isumaqarpoq, tamannalu akitsuutit qaffasippallaarnerannik pisassallu appasippallaarnerannik patsiseqarpoq.

Siunnersuutip nassuiaataasa naalerneranni akitsuusersueriaatsip aalisarnermik ingerlataqartuni imminut akilersinnaassuseq qaffassassagaa, taamaalillunilu angallatini ataasiakkaani sinneqartoortit annertusineqarnissaannik allasimasut eqqortuunngitsut PS-ip oqaatigaa. Inuussutissarsiortunit 50 mio. kr-inik aallitugaluni imminut akilersinnaassuseq qaffassarneqarsinnaanngitsoq PS-ip nassuiaatigaa. PS-ip isumaa naapertorlugu aalisakkanit pisassiissutit tamar-

mik niuerutigineqarsinnaalerpata, taamaalilluni inuussutissarsiortut nammineerlutik naam-massisinnaassutsimik nalimmassaasinnaalerpata tamanna aatsaat pisinnaavoq, taamaalillunilu pisuussutinik atuinermi akitsuummik qaffasinnerpaamik qulakkeerisuussalluni.

*Aalisarnerup pisariinnerpaamik aaqqissuunnissaanut piumassuseqalersitsinikkut, akitsuuser-sueriaaseq imminut akilersinnaassutsip qaffassarneranut peqataaqataasinnaavoq.*

Iluanaarutissatut missingiunneqartoq kisitsisiviusunit appasinnerujussuusoq PS-ip ilanngullu-gu oqaatigaa, tassungalu atatillugu Aningaasaqarnermut Naalakkersuisoqarfimmi kukkusumik naatsorsuisoqarsimanagera pissutigalugu, Inatsisartut raajanik akitsuummik suliarinninnertik ilaanni unitsissimagaat eqqaasitsissutigalugu. Naatsorsukkanik ersarissunik suliaqartoqarnera PS-ip innersuussutigaa, taamaalilluni Naalakkersuisut Inatsisartunik eqqunngitsumik paasis-sutissiinerarlugit pasillerneqaqqunagit.

*Iluanaarutissatut missingiunneqartoq isumaliutit 2018-imilu akinik pisallu annertussuseriu-maagaannik nalornissuteqarneq aallaavigalugu missingerneqarpoq.*

PS-ittaaq tunngaviusumik ilanngaati maanna siunnersuummik peerneqarsimaneramik naam-maginninninnini oqaatigaa. PS-ip isumaa naapertorlugu umiarsuup ingerlanneqarnera akilerneqareeraangat akitsuutinut qaavatigut akileraarusiissutinik akiliisarnissaq naapertuuppoq.

*Tunngaviusumik ilanngaati siunnersuummi akit annikinnerpaaffissaatut allanneqarpoq. Aggu-aqatigiissillugu aki, akip minnerpaaffissaatut aalajangiussamit minneruppat, taamaallaat an-nikitsumik tunngaviusumik akitsuummik akiliisoqassaaq.*

Inatsisissatut siunnersuummi aalajangersakkamut § 6, imm. 2-mut PS-ip oqaatigaa, aalaja-ngersagaq PS-ip Kalaallit Nunaanni tunisanik assartukkanut, aningaasalersuinernut, suliarin-ninnnullu akitsuutinut akiliisarnissaanut tunngatillugu isumaqanngitsoq, tamannalu niuer-finni unammillertaanut sanilliullugu PS-imik sanngiinnerulersitsissasoq. Aalajangersagartaaq suliffeqarfiup nunarsuarmi transfer pricing pillugu maleruagassanut malitassaanut akerliusutut isigineqarpoq. PS-ip isumaa naapertorlugu § 6, imm. 2 pisariaqanngilaq, pissutsimmi § 4, imm. 3-mi maleruagassiorneqareerput.

*Aalajangersagaq peerneqarpoq.*

Taamattaq §§ 5 aamma 7 pissutsinik pisariunerulersitsisut PS isumaqarpoq, qaammatillu pi-ngasukkaanik arlalinnik kingumut qiviarnani aki 8 kr-imit qaffasinnerutillugu akitsuummik akiliisoqartarnissaa siunnersuutigaa.

*Aalajangersakkat allanngortinneqarnissaannut Naalakkersuisut pissutissaqarsorinngillat.*

Naggasiullugu PS-ip inatsisissatut siunnersuutip pilersaarutinit peerneqarnissaa oqaatigaa, aalisarnermummi naalakkersuisoqarfiup oqaaseqaataasa inatsisissatut siunnersuutit taakku marluk ataqatigiissarneqarnissaasa pisariaqassusaa takutimmassuk. Akitsuutit qaffanneqarnissaannik peqatigisaanillu isertitassatigut toqqammavinnik annikilliliinerit/piiaaneriit ataatsikkut ingerlanneqarsinnaannginnerat PS-ip oqaatigaa.

*Siunnersuut 2017-imi ukiaaneriit ataatsimiinnermi saqqummiunneqassaaq. Siunnersuutip toqqammavigisai aalisarneq pillugu inatsisip allanngortinneqarnerani annertuumik nikisinneqarpata, Naalakkersuisut pisariaqartitsineq naapertorlugu siunnersuummut allannguutissanik saqqummiussissapput.*

Sulisitsisut (GE)

GE-p tusarniaanermut akissutini aallarnerlugu tusarniaanermi piffissap sivikippallaarneranik naammaginninnginnertik oqaatigaa. GE-llu ilanngullugu siusinnerusukku piffissakitsitsilluni tusarniaasarnertit tusarniaanerilluunniit sulinngiffeqarnerit nalaanni pisarnerannik iluarisimaarinninnginnertik annissimallugu erseqqissaatigaa.

Tamannalu tunuliaqutaralugu tusarniaanermi akissutit tamarmik inatsisiliortunut tunniunneqarnerattut itsillugit tiguinnariannngortinneqarnissaat GE-p kissaatigaa, taamaaliornikkut inatsisiliortut paasisutissinneqarnertik aallaavigalugu sulisinnaaqqullugit.

*Tusarniaanermi akissutit tamarmik tusarniaanernik nittarsaavimmi aaneqarsinnaassapput, soorluttaaq siunnersuutip Inatsisartunut saqqummiunneqarnerani tusarniaanermi akissutit ilanngullugit nassiunneqassasut.*

GE-p Aalisarnermut Piniarnermullu Naalakkersuisoqarfiup aalisarnermut inatsisissatut siunnersuummik suliaqarnera ilisimaaralugu oqaatigaa. Akitsuusiinnermut inatsit aalisarnermullu inatsit ataqatigiissarneqartariaqartut GE-p tikkuarppaa. Ilanngullugulu GE-p Namminersorlutik Oqartussani aalisarnermut inatsisip allanngortinnissaanut missingiummik tusarniaasoqarnera, kingornalu tamanut tusarniaasoqarnissaa ilisimallugu oqaatigaa.

*Aalisarnermut politikip oqallisiginissaa siunnersuutip avataaniippoq. Siunnersuutip toqqammavigisai aalisarneq pillugu inatsisip allanngortinneqarnerani annertuumik nikisinneqarpata, Naalakkersuisut pisariaqartitsineq naapertorlugu siunnersuummut allannguutissanik saqqummiussissapput.*

Inatsisissatut siunnersuut ilusimisut iluseqartoq saqqummiunneqassappat, inatsisip kinguneqaatissaanik misissuinernik annertunerusunik ilaqartinneqartariaqartoq GE-p oqaatigaa, tamanna aamma aalisarnermut inatsisiliornikkut Kalaallit Nunaanni aalisarnermi pisuussutinik atuinnermi akitsuusersuiniarnermi suliani naatsorsuinernik tamanik equsoortitsisinnaasumik.



Kinguneqaatissat ersarinersulersikkumallugit ilaasortat suleqatigalugit misissueqqissarnernik aallartitsisoqalersaartoq GE-p tassunga atatillugu oqaatigaa.

*Siuliani akissut innersuussutigineqarpoq.*

Aalisarnermut politikkip imaluunniit aalisarnermut politikkeqannginnerup imminut akilersinnaassutsip annikillisarniartuarneqarnera ersersikkaa GE misigisimavoq. Tassungalu ilanngulugu aalisartitseqatigiit ilaasa pisassaminnik arsaaneqarlutik allanut agguanneqarnerat misigisaraat, peqatigisaanillu kaaviiartitat aallaavigalugit Naalakkersuisut akitsuutininik aalajangersaasarnerat GE-p tassunga atatillugu oqaatigaa. Tamatuma nutaamik aallartitsiniarnerup ajornakusoornerulernera nassataraa. Umiarsuit ukioq kaajallallugu ingerlanneqarsinnaanerannut naammattunik pisassinneqanngippata, imminut akilersinnaasumik aalisarsinnaangninerat GE-p tikkuarpaa. Aalisartitseqatigiit tamarmik assigiinngillat, taamaammallu suliffeqarfiit umiarsuillu imminut akilersinnaalluartut kisiisa tamanut atuuttumik aalajangersaanermi ator-neqartariaqanngillat. Aalisartitseqatigiiffiit ilaat ukiumut 250 mio. kr-inik kaaviiartitsisartut, allallu 100 mio. kr-inik kaaviiartitsisartut GE-p oqaatigaa. Pissutsinilu taamaattuni pisuussutininik atuinermit akitsuutininik akiliutissaqanngilaq.

*Aalisarnermut politikkip oqallisiginissaa siunnersuutip avataaniippoq. Siunnersuutip toqqam-mavigisai aalisarneq pillugu inatsisip allanngortinneqarneranit annertuumik nikisinneqarpata, Naalakkersuisut pisariaqartitsineq naapertorlugu siunnersuummut allannguutissanik saq-qummiussissapput.*

Aalisartitseqatigiiffinnut ajunaarutaasumik saarullinnik tulaassisussaatitaaneq pisuussutininik atuinermit akiliutaareersoq GE-p oqaatigaa. Tulaassisussaatitaanerullu qaavatiqut kaaviiartitat aallaavigalugit akitsuut ilanngunneqassappat, tamanna pisuussutip marloriarlugu akileraaruserneqarnerissavaa, taamaaliornermilu avataasiortunit pilersorneqarluni nunami tunisassiornermik ingerlatsinissamat ajornarsisitsissaaq. Pissutsit taamaattut eqqarsaatersornermi ilaatinneqartariaqartut GE isumaqarpoq.

*Naalakkersuisut pisat tulaanneqartut aalajangersimasumik 5 procentimik akitsuusernerisigut, aalisartitseqatigiiffiit tulaassisussaatitaanerat eqqumaffiginiarpaat.*

Akitsuut tunisinermut akip tunngaviumillu akip assigiinngissutaatut naatsorsorneqartarunnaarlugu periutsip allanngortinneqarnera, GE-p siunnersuummut atatillugu oqaatigaa. Akitsuut ullumikkut raajanut akitsuutitulli, akip minnerpaaffissaa qaangerlugu tunisinermit naatsorsorneqartassasoq siunnersuutigineqarpoq.

Taamatut aaqqissuussinerup qaleralinnut akitsuutip ullumikkut ilisimaneqartumit marloriaat sinnerlugu qaffanneranik kinguneqassasoq raajanullu akitsuut ullumikkumut sanilliullugu 10 procentit sinnerlugit qaffassasoq GE naliliivoq.

GE-ttaaq siunnersuummut nassuiaatini oqaatigineqartutut akitsuutiniq qaffaaneq imminut akilersinnaassutsip annertusineranik nassataqassannginnera oqaatigaa.

*Qaleralinnut avammut tunineqartunut akitsuut akitsuusersueriaatsikkut nutaakkut qaffassa-soq naatsorsuutigineqarpoq. Akitsuulli marloriaatinngussanngilaq. Qalerallilli tulaanneqartut akitsuutaat appassagatinneqarpoq, raajanullu akitsuut ullumikkutut iinnassasoq naatsorsuutigineqarpoq. Tamanna akitsuutip qaffasinnerpaaffissaanik qaffaanermik, peqatigisaanillu akip minnerpaaffiata ullumikkut 9,60 kr-iusup 12,00 kr-inut akitsuusersueriaatsimi nutaami qaffanneqarnissaanik patsiseqarpoq.*

§ 6, imm. 2 pisariaqanngitsoq GE-p siunnersuummut tunngatillugu oqaatigaa, § 4, imm. 3-mi mi oqaasertaliussani taakkunani marlunni siunertaq oqaatigineqareerpoq. § 6, imm. 2-mi suliffeqarfiit ilaatigut tunisassiornermut, tunisinermut uninngasuuteqarnermut il.il. aningaasartuutitut pisuussutiniq atuinermit akileraarummik akiligassinneqartassapput.

Akitsuutip qaffasinnerpaaffissaa appartinneqassasoq GE-p siunnersuutigaa, tunngaviusumik akip akitsuusiinermi toqqammavimmit peerneqarsinnaanera, § 6, imm. 2-llu peerneqarnera al-latut iliusaasinnaavoq.

*Akitsuutip procentianik appaanissamut Naalackersuisut pissutissaqarsorinngillat, Naalackersuisulli aalisarnermi ineriartorneq aningaasaqarnerlu ingerlaavartumik malinnaaffigissa-vaat, pisariaqarfiatigullu akitsuusersueriaatsimut allannguutiniq saqqummiussisassallutik.*

§ 6, imm. 2 peerneqarpoq.

GE-p tusarniaanermi akissutaa naak GE piffissaq eqqorlugu tusarniaanermut akissummik nassiusigaluartoq siunnersuummut ilanngunneqarsimarpasinngitsoq GE-p nassuiaatinut tunngatillugu oqaatigaa. Tusarniaanermut akissut Naalackersuisoqarfimmut nassiateqqinneqarpoq, taamaalilluni GE-p oqaatigiumasai siunnersuummut nassuiaatinut ilanngunneqarsinnaaqqullu-git.

*GE-p tusarniaanermut akissutaa nassuiaruminaatsinneqartumik tiguneqarsimannngilaq. Oqaatigisat nassiateqqitat siunnersuummut nassuiaatinut ilanngunneqarput.*

## Aalajangersakkanut ataasiakkaanut oqaaseqaatit

### § 1-imut

- Imm. 1-imut 2-mullu

Siunnersuutigineqarpoq suliffeqarfiit, inuit, suliffeqarfiit, aalisariutit allallu pisassiissutillit, Naalakkersuisunillu akuersissummik pillit Kalaallit Nunaata imartaani, nunat allat imartaani imaluunniit nunat tamalaat imartaani avataasiorluni aalisarneq tamaat akitsuusersorneqarnissaa siunnersuutigineqarpoq. Akuersissummi piniarnermut allagartaq assersuutigineqarsinnaavoq.

Akitsuummik akiliisussaatitaaneq Kalaallit Nunaata imartaani tamani avataasiorluni aalisarneq aammalu nunat allat imartani Naalakkersuisut aalisarnikkut isumaqatigiissuteqarfigisaanni Naalakkersuisut pisassiissutinik agguaanissaminut pisinnaatitaaffeqarfigisaani atuuppoq, pisassiissutinik akuersissutinillu agguassinermi atatillugu, aalisarsinnaatitsinerillu kalaallit aalisariutaannut nunat allat imartaannut, pisassiissutit ataatsimoorussat aallaavigalugit, imartanilu aalisarnerlu ajugaanniunnerni.

Aalajangersakkami akitsuummik akiliisussaatitaanerup atuutilerfia sinaakkuserneqarpoq.

Akitsuummik akiliisussaatitaaneq pisaqarnermi atuutilerpoq.

- Imm. 3-mut

Nunat tamalaat isumaqatigiissuteqarnerisigut, assersuutigalugu EU isumaqatigiissuteqarfiginerasigut, Kalaallit Nunaata imartaani aalisarnerit akitsuummik akiliisussaatitaaneq atuutingerilaq, isumaqatigiissummi akiliineq aalajangerneqartarmat. Kalaallit Nunaanni angallatit EU-mi suliffeqarfiit suleqatiginerisigut EU-mit pisassiissutinit aalisartut akitsuummik akiliisussaatitaanngillat. Angallatilli nunanit allaneersut Kalaallit Nunaanni suliffeqarfiit suleqatiginerisigut Kalaallit Nunaanniit pisassiissutinit aalisartut akitsuummik akiliisussaatitaapput.

### § 2-mut

- Imm. 1-imut

Aalajangersakkami akitsuummik akiliisussaatitaanerup atuutilernera aalajangersarneqarpoq. Akitsuummik akiliisussaatitaaneq pisaqarnerup nalaani atuutilerpoq, taamaalilluni pisat amerlanerpaartaat akitsuuteqarnerat qulakkeerneqassalluni. Piffissami suliffeqarfiup inuulluunniit pisanik Kalaallit Nunaannit avammut tunisineranit, pisanik allanut tunniussineranit

imaluunniit pisanik tunitsivimmut tunisassiorfimmulluunniit, tassungalu ilanngullugu umiarsuarmut tunitsivimmut tunisineranit akitsuut atorunnaassaaq.

Taamaalillunilu piffissaq pisanik Kalaallit Nunaannit avammut tunisiffiusoq, allamut imaluunniit tunitsivimmut tunisitsiviusoq apeqqutaassaaq piffissaq akitsuuteqarfiusoq sorleq pisanut atuutsinneqassanersoq.

Tunniussineq matumani pineqartoq ima paasineqassaaq pisanik piginnittussaanerup inummit suliffeqarfimmilluunniit akitsuuteqartussaataasumit assersuutigalugu pisassiissutinik piginnittumut nuunneqarnera. Aammattaaq assersuutigalugu tunissutitut kingornussatulluunniit pigisanik nuussinerit allat aalajangersakkami ilaatinneqarput.

### *§ 3-mut*

#### *- Imm. 1-imut*

Avataasiorluni aaliasarnermi aalisakkat sorliit akitsuummumt maanna atuuttumut ilaatinneqarnerisut aalajangersakkami aalajangersarneqarpoq, tamatumalu saniatigut inatsimmi maleruaqqusat sorliit akitsuummik aalajangersaassanersut aalajangersarneqarluni.

Raajanik, saarullinnik, qaleralinnik, saattuanik, saarulliusaanik, suluppaakkanik akitsuuteqartitsinermi ilaatinneqarpoq avataasiorluni raajanik, qaleralinnik, saarullinnik, saattuanik, saarulliusaanik, suluppaakkanik uilunnillu aalisarneq.

Akitsuut inatsimmi §§ 4-mit 7-imut maleruaqqusanut naapertuuppoq.

#### *- Imm. 2-mut*

Sinerissamut qanittumi aalisakkat sorliit akitsuuteqartinneqarnerisut aalajangersakkami aalajangersarneqarpoq, tamatumalu saniatigut inatsimmi maleruaqqusani sorlerni akitsuut aalajangersagartaqassanersoq aalajangersarneqarluni.

Akitsuuteqartitsinermi ilaatinneqarpoq sinerissamut qanittumik raajanik, qaleralinnik, saattuanik nipisaallu suaannik aalisarneq.

Akitsuut inatsimmi § 4-mit 7-imut maleruaqqusanut naapertuuppoq.

#### *- Imm. 3-mut.*

Aalisakkat ikerinnarsiortut sorliit maanna akitsuummumt ilaatinneqassanersut aalajangersakkami aalajangersarneqarpoq aammalu inatsimmi maleruaqqusat sorliit malillugit akitsuut aalajangersarneqassanersoq.

Akitsuummut ilaatinneqarput avaleraasartuunik, ammassannik, ammassassuarnik, saarullernanik kapisilinnillu (guldlaks) aalisarneq tamarmi.

Akitsuut inatsimmi § 8-mi maleruaqqusanut naapertuuppoq.

- Imm. 4-mut.

Aalisakkanut allanut imm. 1-3-mi taaneqanngitsunut akitsuut kiilumut 0 kr-iuvoq.

#### *§ 4-mut*

- Imm. 1-imut

Akitsuummut tunngaviusoq aalajangersakkami aalajangersarneqarpoq.

Aalisakkat tunineqarnerminni akiat annertussuiallu malillugu akitsuusiisoqarpoq aalisakkat suunerannut agguataarlugu. Tunisinermi akiusoq pisisup tunisisullu akornanni isumaqatigiisutigineqartoq pineqarpoq, tamatumani tunisinermi, assartuinermi il.il. aningaasartuutit ilanngaatinagit.

Iluanaarutaasinnaasut aammalu avammut tunisinermi imaluunniit tunitsivinnut tunisinermi kiilumut ataatsimut akiliutit allat (angallassinermut tapiissutit il.il.) tunisinermi akiusumik nalunaarsuinermi ilaatinneqassapput.

- Imm. 2-mut

Avammut tunisisartut Kalaallit Nunaata avataani pisisunut angallassinermi aningaasartuutininik ilanngussinngitsut pisanik akitsuusikkanik kiilumut ataatsimut tunisinermi akiusoq 1 kr.-inik qaffattassagaat siunersuutigineqarpoq.

- Imm. 3-mut

Tunisinermi akigititamik aalajangiiniarnermi niueqatigiit imminnut attuumassuteqanngitsut akornanni atuuttumit pissutsit allat atuuppata, akileraaruserinermik ingerlatsiviup tunisinermi akigititaq aalajangersinnaavaa, niueqatigiit imminnut attuumassuteqanngitsut akornanni niueqatigiinnermi angusarisinnaasaannut naapertuuttumik tunisinermi akiusoq takutitsinngippat.

- Imm. 4-mut

Sillimmasiissutit taarsiivigineqarnerillu tunisinermi akisuli isigineqarput.

#### *§ 5-mut*

- Imm. 1-imut

Aalajangersakkami aalajangersarneqarpoq avataaniittumut tunisinermi imaluunniit Kalaallit Nunaanniit annissinermi kiilumut 20 øre-mik akitsuusiisoqartassaaq, piffissami avammut tu-

nisinermi imaluunniit tunniussinermi ukiup affaa sioqqullugu agguaqatigiissillugu aalisagaqatigiinnut akigitat kilomut 12,00 kr.-it ataassimappagit.

- Imm. 2-mut

Aalajangersakkami aalajangersarneqarpoq tunitsivinnut tunisassiorfimmulluunniit tunisinermi kiilumut ataatsimut 5 ørenik akitsuusiisoqartassaso piffissami tunisiffimmi ukiup affaa sioqqullugu agguaqatigiissillugu aalisagaqatigiinnut akigitat kiilumut 8,00 kr.-it ataassimappagit.

#### *§ 6-mut*

- Imm. 1-imut

Avataaniittumut tunisinermi imaluunniit Kalaallit Nunaanniit annissinermi akigitat 5 procentia akitsuutaasassaaq, piffissami annissinermi imaluunniit tunniussinermi ukiup affaa sioqqullugu agguaqatigiissillugu aalisagaqatigiinnut akigitat kilomut 12,00 kr.-it sinnerluguluunniit akeqarsimappata, taamaattorli tak. imm. 3.

- Imm. 2-mut

Avammut tunisineq imaluunniit tunniussineq ukiup affaa sioqqullugu agguaqatigiissillugu aalisagaqatigiinnut akigitat kiilumut 17,00 kr.-iusimappata, taava agguaqatigiissillugu aalisagaqatigiinnut akigitat 17,00 kr.-i qaangerpagu akitsuut koruunimut ataatsimut 1 procentimik qaffattassaaq. Aalisagaqatigiinnut aalajangersimasunut tunisinermi agguaqatigiissillugu akiusooq kiilumut ataatsimut 25 kr.-inik annertussuseqarpat tunisinermi akiusup kiilumut ataatsimut 25 kr.-iusup aammalu 17 kr.-imik akiusup akornanni assigiissut malillugu akitsuutip procentia naatsorsorneqartassaaq. Taamaalillunilu akitsuutip procentia 13 procentiussaaq.

Assersuummi tunisinermi agguaqatigiissillugu akiusooq 50 ørimik qaffalluni kiilumut ataatsimut 25 kr. aamma 50 ørimik qaffappat akitsuutip procentia 14 procentinut naatsorsorneqartassaaq.

- Imm. 3-mut.

Akitsuutip procentiata 17 procenti qaangertassanngilaa, tamannalu tunisinermi agguaqatigiissillugu kiilumut ataatsimut 29 kr.-iuneranut naapertuuppoq.

- Imm. 4-imut.

Kvartali akitsuutip aallartiffissaa sioqqullugu kingusinnerpaamik sapaatip akunnera ataaseq sioqqullugu agguaqatigiissillugu tunisinermi akigitat akitsuutillu procentii akileraaruserinermik ingerlatsiviup nittartagaatigut saqqummiunneqartassapput.

#### *§ 7-mut*

- Imm. 1-imut.

Tunitsivinnut tunisassiorfinnulluunniit, tassungalu ilanngullugu angallammut tunitsivimmut tunisinermi akigititap 5 procentia aalajangersimasumik akitsuutaasassaaq, piffissami tunitsiviusumi ukiup affaa sioqqullugu agguaqatigiissillugu aalisagaqatigiinnut akigititat kiilumut 8,00 kr.-it taakkunanilluunniit amerlanerusimappata.

- Imm. 2-mut

Akitsuummik pineqartumik akitsuusiisoqassanersoq, kvartalip aallartinnginnerani kingusinnerpaamik sapaatip akunnera ataaseq sioqqullugu akileraarusiinermik ingerlatsiviup nittartakamigut saqqummiutissavaa.

#### *§ 8-mut*

- Imm. 1-imut

Aalisakkanik ikerinnarsiortunik aalisarneq inatsimmi §§ 4-7-mi pisuussutitut akitsuuseeriaat simut ilaatinneqanngilaq. Tamatumunnga taarsiullugu aalisakkanik ikerinnarsiortunik aalisarnermut atatillugu pisuussutitut akitsuut maanna atuuttoq ingerlateqqinneqarpoq.

Akitsuutip aalisagaqatigiinnut agguataarlugu aalajangersakkami aalajangersarneqarpoq.

Avaleraasartuunut, ammassassuarnut ammassannullu akitsuutit atuutereersut saniatigut saarullernat guldlaksillu aamma akitsuuserneqarput.

Suliffeqarfiit, ingerlatseqatigiiffiit, piginneqatigiilluni umiarsuaatileqatigiiffiit allallu kiisalu inuit, Kalaallit Nunaata imartaani, nunat allat aalisarnermi killeqarfiini nunallu tamalaat imartaanni aalisakkanik ikerinnarsiortunik aalisarnissamut akuersissuteqartut imaluunniit pisassiisuteqartut Nunatta Karsianut akitsuummik akiliisassapput.

Aalisagaq angallammit Kalaallit Nunaanni nunamiluunniit allami, tassungalu ilanngullugu Danmarkimi Savalimmiunilu angerlarsimaffeqartutut nalunaarsorneqarsimasoq atorlugu pisarineqarsimanersoq apeqqutaatillugu akitsuut assigiinngiaarsinneqarpoq.

Angallat nunani allani, Savalimmiuni Danmarkimiluunniit nalunaarsorneqarsimasoq inuttanngitsumik taamaallaat angallatip naalagaanik, maskinalerisulimmik taakkuluunniit tamaasa marluutillugit issimasoreerai eqqaassanngikkaanni, eqqarsaatigalugu angallassineq umiarsuaatileqatigiinnit Kalaallit Nunaanneersunit (bareboat-charter) tiguneqarpat tassunga atatillugu angallat Kalaallit Nunaanneersutut isigineqassaaq. Tamannali aatsaat atuutissaaq umiarsuaatileqatigiiffiup Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat eqquutsippagu. Akerlianik angallat nunani allani, Savalimmiuni Danmarkimiluunniit nalunaarsorneqarsimasoq aammalu Kalaallit Nunaanni umiarsuaatileqatigiinnit attartorneqartoq assersuutigalugu umiarsuup aquttua angallammut atatillugu atorfeqartinneqarpat inatsit una malillugu Kalaallit Nunaanni nalunaarsorneqarsimasutut isigineqassanngilaq.

- Imm. 2-mut.

Aalajangersakkami aalajangersarneqarpoq pisat uumatillutik oqimaassusiat kiilunngorlugu naatsorsorneqartassasoq, tassa Kalaallit Nunaanni Aalisarsinnaanermut Nakkutilliisoqarfiup pisassiissutinit ilanngaatisassaanut naapertuutut. Aalisakkat Kalaallit Nunaata nunalluunniit allat imartaanni aalisarneqarnerat apeqqutaatinnagu aalisakkallu angallatit Kalaallit Nunaan-neersut nunanilluunniit allaneersut atorlugit pisarineqarnerisut apeqqutaatinnagu pisarisat assigiimmik nalunaarsorneqartassapput.

- Imm. 3-mut.

Aalajangersakkami taamaallaat pineqarput aktiaateqarluni piginneqataassuteqarluniluunniit ingerlatseqatigiiffiit, taamaalillunilu ingerlatseqatigiiffinnut allanut inunnulluunniit atuunnani. Tassunga atatillugu ingerlatseqatigiiffinnut aqutseriaatsit nalinginnaasumik atorneqartunut misilittagaqarfigineqartunullu aalajangersakkat atuunnissaa pingaartinneqarpoq.

Ingerlatseqatigiiffinnik aqutseriaatsit allat eqqarsaatigalugit tamatumani angallatit Danmark-imi, Savalimmiuni nunaniluunniit allani angerlarsimaffeqartutut nalunaarsorneqartunut akitsuutit atuutissapput.

#### *§ 9-mut*

- Imm. 1-imut

Piffissaq akitsuuteqarfiusoq kvartalikkaartuusoq aalajangersakkami oqaatigineqarpoq.

Kvartalit pingajuanni akitsuutip procentiata aalajangersarneqarnissaani ukiup aallartinnerani kvartalit siullersaanni akiusut pillugit paasissutissat tunngavigineqartassapput aammalu ukiup ingerlanerani kvartalit sisamaanni akitsuutip procentissaata aalajangersarneqarnerani ukiup ingerlanerani kvartalit aappaanni paasissutissat tunngavigineqartassallutik.

#### *§ 10-mut*

- Imm. 1-imut

Kina akitsuummik akiliisassanersoq aalajangersakkami aalajangersarneqarpoq.

Pisassiissutininik akuersissummilluunniit pigisaqartoq pisuni tamani akitsuummik akiliisuus-saaq.

- Imm. 2-mut

Akuersissuteqarnani pisassiissuteqarnaniluunniit aalisartoqarnissaannik akuersisoqarsimappat aalisarnermik ingerlatsisoq akitsuummik akiliissaaq.

#### *§ 11-mut*



- Imm. 1-imut

Tunisassiorfinnut tunitsivinnulluunniit tulaassinermi tulaasinermut atatillugu akiliisoq akiliinermi akitsuummik ilanngaataareersimassaaq. Akitsuutip annertussusissaa nammineq akisussaasup naatsorsortassavaa akiliilernerminilu ilanngaatigereersimasassallugu

- Imm. 2-mut

Akitsuutip akitsuutillu akilerneqarnissaanut tunngavissatut suliffeqarfiit inuillu akitsuummik akiliisussaataitasut tunisinermut, avammut tunisinermut il.il. takutitsisunik naatsorsuusiortasapput.

- Imm. 3-mut

Akisussaasup akitsuutitaqanngitsumik naatsorsuusiorsimaguni tamanna akisussaaffigissavaa peqqussummik unioqutitsisimassagami maleruaasimanngikkuni, akiliisussanngortitaanermik kinguneqartitsisoqarnissaa aalajangersakkap nassatarissavaa.

- Imm. 4-mut

Inatsit malillugu akisussaasoq akiligassinneqartussangussaaq annikinaarisimaguni ilanngaasii-simanngikkunilluunniit.

*§ 12-imut*

- Imm. 1-imut

§ 11 naapertorlugu unerartitsisuussaasup akitsuusigassat, piffissap akitsuusiiffiusup qaangiunnerata kingorna kingusinnerpaamik qaammammi ulluinnarmi kingullermi akileraaruseriffimmut nalunaarutigissavai, soorlutaaq akitsuut piffissap akitsuusiiffiusup qaangiunnerata kingorna kingusinnerpaamik qaammammi ulluinnarmi kingullermi akileraaruseriffimmut akilerneqassasut.

- Imm . 2-mut

Akisuutit naatsorsorneqartut akileraaruseriffimmit nakkutigineqarsinnaaqqullugit, fakturat nalunaarummut tunngaviusut assilinqarneri ilanngullugit nassiunneqassapput.

- Imm. 3-mut

Akitsuummik akiliisussaataitasup nalunaarut piffissaagallartillugu nassiutinngippagu, akiliisitsissut akitsuutip 2 procentianik angissusilik, taamaattorli minnerpaamik 500 kr.-iusoq akilerneqassaaq.

- Imm. 4-mut

Aalajangersakkap Naalakkersuisut periarfissippai, unerartitsisussaataitanerup isumagineqarnissaa pillugu maleruagassanik erseqqinnerusunik, matumani aamma naatsorsuusiorneq, aki-

liineq, nassuiaaneq, nalunaaruteqarnerup qanoq ittumik pinissaa, ilusissaa il.il. pillugit male-ruagassanik aalajangersaanissamut.

### *§ 13-imut*

#### - Imm. 1-imut

Suliffeqarfiit inuillu § 1, imm. 1-imi taaneqartutut akitsuusiisussaataasut akitsuummik akitsuummillu akilerneqartumik nalunaarsuinerminni tunngavissamittut tunisinermi, avammut tunisat il.il. pillugit naatsorsuusiortassapput.

#### - Imm. 2-mut

§ 1 imm. 1-mi allassimasutut suliffissuit inuinnaallu akitsuusiisussaataat, akitsuutininik akiliisussaaffik qaangiussimatillugu qaammammi tulliuuttumi ulluinnaq suliffik kingulleq qaangiut-sinnagu, akitsuutiminnik nalunaaruteqareersimassapput, akitsuullu akilereersimassallugu akileraarusiinerminik ingerlatsivimmut.

#### - Imm. 3-mut

Akitsuutit nalunaarsorneqartut akileraarusiinerminik ingerlatsivimmit nakkutillivigineqarnis-saat siunertaralugu akilikkat nalunaarsuinerminni tunngavigineqartut assilinerat nalunaarsukka-mut ilanngunneqartassaaq.

#### - Imm. 4-mut

Akitsuusiisussaataasup nalunaarsukkamik nassiussinissamut piffissaliussaq malillugu imm. 1 aamma 2 piffissarititaq qaangersimappaagu gaanni akitsuutip 2 procentianik qaavatigut akiligassinneqassaaq minnerpaamilli 500 kr.-inik.

### *§ 14-imut*

#### Imm. 1-imut

Naalackersuisut piumasqaateqarsinnaapput inuinnarnut suliffissuaqarfinnut allanulluunniit akitsuummik piffissaq eqqorlugu akiliinngitsunut akiliiffissaliussamik naanerusumik, soorlut-taaq akitsuutip akilernissaanut qulakkeerinninnissaq pillugu Naalackersuisut piumasqaate-qarsinnaasut.

Suliffeqarfiup assersuutigalugu sumiginnaanermigut imaluunniit aningaasaqarnikkut ajornar-torsiornermigut akitsuummik piffissaq eqqorlugu akiliinngitsoorsinnaanera eqqarsaatigalugu aalajangersagaq ilanngunneqarpoq. Pisuni akiligassatigut annertuumik kinguaattooruteqarto-qaratarsinnaanerani iliuseqarnissamut aalajangersagaq periarfissiivoq.

### *§ 15-imut*

Inatsisip aqunneqarnissaa pillugu maleruaqqusanik erseqqinnerusunik aalajangersaanissamut Naalakkersuisut aalajangersakkakkut tunngavissinneqarput. Assersuutigalugu pisassiissutininik nalunaaruteqartarneq aammalu nalunaarsukkat pillugit oqartussaasut akornanni paasissutissanik avitseqatigiissinnaaneq aammalu elektroniskiusumik nalunaaruteqartarnissaq pillugu maleruaqqusanik Naalakkersuisut aalajangersaasinnaassapput.

Aammattaaq tunisinermi qaqugukkut akitsuusiisoqarnissaa pillugu maleruaqqusanik erseqqinnerusunik aalajangersaanissamut Naalakkersuisut aalajangersakkakkut tunngavissinneqarput. Ilaatigut aalisakkap qanoq annertutigisumik suliareqqinneqarnissaa apeqquaatillugu tunisisoqarsinnaanera pillugu maleruaqqusanik erseqqinnerusunik Naalakkersuisut aalajangersaasinnaassapput.

#### *§ 16-imut*

Misileraalluni aalisarnermut atatillugu tamakkiisumik ilaannakortumilluunniit akitsuuteqartitsinninnissamut Naalakkersuisut piginnaatinneqassasut siunnersuutigineqarpoq. Aalajangersagaq piniarnermi atortunik nutaanik misileraanernut ineriartortitsilluniluunniit assigisaannik iliuseqarnernut atorpeqarsinnaavoq.

Aalisarnermi suliffeqarfinniluunniit ataasiakkaani nalinginnaasumik aningaasaqarnikkut pitsaangitsumik ingerlasoqarnerani akitsuuteqartinninnissamut aalajangersagaq tunngavissinnaanngilaq.

#### *§ 17-imut*

- Imm. 1-imut

§ 1, imm.1-imik, § 11, imm. 2-mik, § 12, imm. 1-imik, § 13, imm. 1-imik 2-milluunniit unioqutitsisoq imaluunniit § 14 malillugu akiliinissamut piffissaliussap naalinissaanut pequssummik unioqutitsisutut pineqaatissiisoqarsinnaassasoq siunnersuutigineqarpoq.

§ 1, imm. 1-imut atatillugu pinerluuteqartutut isigineqarnissami akitsuummik tamakkiisumik ilaannakortumilluunniit akiliisimangitsut pineqarput. Taama pisoqartillugu pisoq Nunatta Karsiata isertitassaraluinik annaasaqarfiusutut isigineqarsinnaassaaq.

§ 11, imm. 2 kiisalu § 13, imm. 1-imut atatillugu pinerluuteqartutut isigineqassagaanni § 11, imm. 2 imaluunniit § 13, imm. 1-imi allassimasutut naatsorsuutininik ingerlatsinnginneq pineqassaaq. Taama pisoqartillug pisoq Nunatta Karsiata isertitassaraluinik annaasaqarfiusutut isigineqarsinnaassaaq.

§ 12, imm. 1 aamma § 13, imm. 2-mut atatillugu pinerluuteqartutut isigineqassagaanni aalajangersakkami allassimasutut paasissutissanik tunniussinnginneq paasissutissanilluunniit eqqunngitsumik tunniussineq pineqassaaq. Taama pisoqartillugu pisoq Nunatta Karsiata isertitassaraluinik annaasaqarfiusutut igineqarsinnaassaaq.

§ 14-imut atatillugu pinerluuteqartutut isigineqassagaanni akiliinissamut piffissaliussap naalinerqarneranik malinnginneq pineqassaaq.

Aalajangersagaq malillugu pinerluuteqarsimasutut isigineqarnissamut tunngavigineqartussaq tassaavoq piaaraluni imaluunniit sakkortuumik mianersuaalliorluni iliuuseqarneq.

- Imm. 2-mut

Inatsit malillugu akileeqqusissutitut iluseqartunik maleruaqqusanik aalajangersaasoqarsinnaanissaa siunnersuutigineqarpoq.

- Imm. 3-mut

Inuit inatsisilerinermiluunniit inuttut isigineqartut pinerluttulerinermi inatsit malillugu akisusaatinneqarsinnaasut aalajangersakkakut aalajangersarneqarpoq. Ingerlatseqatigiiffik akisusaatinneqassappat inuit piaaralutik imaluunniit sakkortuumik mianersuaalliorlutik ingerlatseqatigiiffik sinnerlugu iliuuseqarsimasariaqarput, naak inuk pineqartoq akisusaatinneqarsinnaanngikkaluartoq aammalu inuk ataaseq arlalilluunniit ingerlatseqatigiiffik sinnerlugu iliuuseqarsimasutut pinerluummillu iliuusearsimasutut naammaginartumik annertussusilimmik uppernarsarneqarsinnaasimagaluartut.

- Imm. 4-mut

Kiisalu inatsimmik peqqussutinilluunniit inatsit malillugu piumasaqaataasunik unioqqutsitsinermi akiliisitsissutit Nunatta Karsianut tutsinneqassasut siunnersuutigineqarpoq.

#### *§ 18-imut*

Pinerluttut pinerlunnini akiligassinneqarninilu akuerippagu unioqquitsineq allaffissornikkut aalajangiivigineqarsinnaassasoq siunnersuutigineqarpoq. Allaffissornikkut akiligassiinerit Kallaallit Nunaanni akileraartarnermut inatsisit malillugit akiligassiisarnerit malillugit suliarineqartassapput.

#### *§ 19-imut*

- Imm. 1-mut

Siunnersuutigineqarpoq Inatsisartut Inatsisaat 1. januar 2018 aallarnerfigalugu atuutsinneqalissasoq, 1. januar 2018 kingornalu aalisakkat pisarineqartut tunineqartulluunniit akitsuuserorneqassasut.

- Imm. 2-mut

Siunnersuutigineqarpoq inatsisartut inatsisaat nr. 11, 3. december 2012 qaleralinnut aalisakka-  
nullu allanut akitsuutit, inatsisartullu inatsisaat nr. 20, 25. oktober 1990-meersoq raajanut  
akitsuutit kiisalu namminersorlutik oqartussat nalunaarusiaanni nr. 9, 27. juni 2013-meersoq,  
inatsip nutaap atuutsinneqarneranit atorunnaassasut.

- Imm. 3-mut

Siunnersuutigineqarpoq akitsuutit procentii kvartaalit siulliit marluk 2018-mi qalerallit, saa-  
rulliit, suluppaakkat, kullerit, sejit assagiarsuillu akiinut Danmarkip naatsorsueqqissaartarfiani  
nunanut allanut tunissassianut akiisa inissinneqarsimasut aallaavigalugit naleqqussarneqartas-  
sasut.

Kinguppaat inatsisartut inatsisaat nr. 20, 25. oktober 1990-imeersoq kinguppannut akitsuutit  
pillugit atuutsinneqartut Akileraartarnermut Aqutsisoqarfimmut akit tunisassiornermi tunniun-  
neqarsimasut malillugit akitsuuserneqassapput.

- Imm. 4-mut

Taamaattorli kinguppaat avataasiortunit 2017-mi pisat 2018-mi tunisassiarineqartussat, ikaar-  
saarnermik aaqqiissuteqarfigineqassasut siunnersuutigineqarpoq, akitsuutit maannakkut atuut-  
tut inatsisartut inatsisaat nr. 20, 25. oktober 1990-imeersoq kinguppannut akitsuutit pillugit  
atuutsinneqassasut.